

天津府志

HARVARD COLLEGE LIBRARY
FROM THE
HARVARD-YENCHING
INSTITUTE
JUL 8 1929

33
Ch L 3145.1335.83

卷之五至
卷之七

天津府志卷之五

風俗物產志

任土作貢首紀夏書周禮職方氏詳列穀蓄所宜而司徒土會之法并及植物漢書志地理則兼五方之風俗與物土所宜而並載之其制遂爲作史者所不廢郡東隣大海西接羣淀南控青齊北拱神京縱橫數百里爲一大都會其間士民以農桑爲先務以詩書爲要領而魚鹽之利甲於燕冀諸郡所儲者饒矣

昭代

哈佛大學哈佛燕京
圖書館珍藏印

聖聖相承德洋恩普凡所以正德厚生者無所不至則食
毛踐土之民當益勵敦龐還淳反朴以含哺鼓腹
於

堯天可爾志風俗物產

風俗

天津縣

天津近東海永樂初始闢而居之雜以閩廣吳楚
齊梁之民風俗不甚純一性少惇樸

天津無沃田人皆以賈趨利

地當衝要人雜五方

領 民性淳良俗皆敦樸以農桑為先務以詩書為要

貴德恥爭民淳訟簡近來五方雜處逐末者眾訟

獄繁興習尚奢靡以上天津衛志

青縣

其民質樸不事浮華男勤稼穡女務蠶桑

大夫重廉節士淳朴不務外事高者肆力於詩書

其次竭力耕作

民性淳厚俗信鬼神以上青縣志

靜海縣

天津府志 卷之五
風俗樸茂蹈禮義而服聲名

輕財尚義

民恃魚鹽

務農桑尚祈禱家少餘積士敬長上

士大夫操履謹醇輸賦每先於百姓不事干謁囑
托家詩書戶絃誦文風視昔倍盛科目亦絡繹不
絕昔稱河間文物衣冠之盛比於鄒魯靜邑差無
愧云

闔縣田土多佃戶分種耕耘有二次三次者間有
一次者糞田者不數數見女多不識織紡

邑俗縉紳出入里巷無騎乘接見鄉親長幼之節
斯須不紊今雖少變而士紳以公事至者序齒不

序爵

以上靜
海縣志

滄州

滄州古渤海地風俗鷺悍高尚氣力

賣劍買牛賣刀買犢

尚氣節以功名自許

衣冠人物比於鄒魯

廉恥成風士氣鼓勵

衣冠不乏風俗熙熙

以上滄
州志

南皮縣

南皮軍民雜處悍鷲難馭成弘間士風恬退子弟謙恭

進退以禮

性好奢靡

民惟敦樸務在農桑

不喜臧否人物

人性質厚少文多專經術大率氣勇尚義號爲強
伎士平而近邊習於戰鬪

賦重簡僻易治

地無險阻人無逋賦

城西地沮洳宜菽麥濱漕河者以逐末代耕而繁
華爲甚地稍腴俗多種樹梨棗之利居多東北當
九河下流一遇衝決卽爲澤國天津之屯種在焉
軍民錯處悍鷲難馭東爲舊高樂田多白壤木棉
之產頗饒好鷹狗東南爲饒安西鄙磧沙少獲驕
獷喜鬪南爲舊臨津土窄人稠勤於耕作弦誦力

穡外無他技巧

以上南皮縣志

鹽山縣

士務經學不崇佛老僻在海隅故民多力田而逐

末者少頗有淳厚之風

士尚名節

俗重信義

侈文信鬼椎販時有以上鹽山縣志

慶雲縣

慶雲不事詩書農桑為業邇來雅尚儒術視昔有

加

古俗勁勇而沉靜椎而少文

俗多織作士務功名習尚淳厚民皆務本

好經術矜功名務農桑崇學業未文物彬彬而豪悍

之習自若

農桑為先詩書為要民淳訟簡不事浮華高尚氣

力佞信佛教

士多文雅人性寬舒沉摯多材悲歌感慨自古號

多豪傑蹈禮義而服聲名

嫁女必論氏族或不相當雖貴且富不通婚姻其

締姻者屢世親恤頗有厚道

慶邑俗頗近古為士者恥奔競畏清議為民者力

稼穡輕末作無逋賦無鬻訟尊吏畏法有三代遺

風以上慶雲縣志

天津縣

歲時 正月元旦賀歲食角取更新交子之義親戚鄉里交拜履新互相請席名曰吃年茶立春前一日迎芒神設實啖春餅立春日食蘿蔔名咬春鞭土牛觀者取土塗壁上元日通衢張燈結綵放花炬婦女羣遊曰走百病作粉丸食之曰元宵二十五日填倉羅灰末於院中名曰打囤置諸穀少許於中爲豐登兆 二月初二日以灰末穀糠末從河下引至家名曰引錢龍食煎餅煎糕粉 三月清明前一日爲寒食婦女上墳掃墓標楮錢焚

化增新土於塚上陳祭品哭新鬼 四月初八日浴佛邑人就農桑業 五月五日書門符懸艾虎兒童綵繩繫臂謂之續命縷戚里餽角黍飲菖蒲雄黃酒書硃符以驅百毒採百艸爲膏 六月六日曝書帙衣服造麩造醬飲豆湯食麩 七月七日女子設瓜果祀織女乞巧十五日薦祖先各廟修蘭盆會放河燈路燈 八月中秋戚里餽送月餅設瓜餅拜月親友相率釀飲 九月九日登高尋菊 十月一日祀祖先焚寒衣 十一月冬至拜官府謁師長如年節禮紳衿行之 十二月八

日食臘粥以豆米棗栗雜煮之曰臘八粥兼飼貧
二十四日相傳竈君朝天設糖菓而餞之除夕多
嫁娶易門神換桃符插芝蔴稽於壁辭歲祭祖禰
祭品較常豐盛家人設酒守歲

婚禮 以通媒爲定不計財禮不侈粧奩親迎士
衿行之合卺三日拜天地及舅姑謁家廟母家餽
送三日

喪禮 臨危不復故後哭奠於城隍廟土地祠三
日變服邇來漸趨浮靡修醮行香出殯之日紙人
竹馬綵童花架之費甚繁明時鼓樂擡槓分三衛

地方甚爲喪家之害兼有義損歷年禁革

祭禮 元旦清明七月望日十月朔日或祭掃墳
塋或祭奠通衢

青縣

歲時 正月元旦祀神更相賀歲立春鞭土牛貼
宜春啖春餅釘春盤上元賞燈放花前後三日十
六日病婦陶炙過橋家人結羊腸以卜休咎二十
五日填倉下旬入學民始耕 二月二日引龍社
日鄉社祭先農春分釀酒冰泮取魚 三月三日
祀真武廟三皇廟寒食墓祭樹鞦韆放紙鳶清明

祭墓插柳看花踏青挑菜穀雨禁蟲蝎二十八日
祭東嶽廟 四月四日釀酒八日浴佛十八日祭
泰山祠二十八日祀藥王廟 五月五日食角黍
飲菖蒲酒插符艾繫縷捉蝦蟆採藥逆女十三日
祀關帝廟夏至食麥粥 六月六日曝衣儲水造
醬 七月七日掛地頭七夕乞巧浣衣中元祀先
懸麻穀 八月一日天灸中秋祭月社日如春祀
九月九日登高泛萸釀酒 十月朔日墓祭燒
寒衣 十一月冬至煖爐出獵 十二月八日食
臘粥做臘醋二十四日掃舍祭竈除日易門神桃

符修歲事陳祀儀守歲嫁女

靜海縣

歲時 正月元旦祀神拜墓更相賀歲迎春觀春
牛啖春餅上元以大饅頭爲節食觀燈放花士民
競夜遊前後三日十六日結羊腸二十五日填倉

二月二日引龍以糕去蟲寒食拜掃墳墓清明
插柳穀雨禁蝎 四月二十八日藥王生辰笺十

日上莫州廟 五月五日啖角黍踏青飲酒簪艾
葉榴花以辟邪 六月六日儲水造麩 七月十

五拜墓薦廟穀 中秋列酒穀以祭月 九月九

日不登高 十月朔謁墓謂之送寒衣 冬至士大夫拜官長 十二月食臘粥二十四日祀竈掃屋塵除夕易符守歲

按滄州志不載歲時意與諸邑不相懸絕不復強增

南皮縣

歲時 立春日以五辛爲春盤麪爲餅謂之賞春 元宵蒸麥麪爲小燈百餘盞燃之中庭凡家之竈 涇井曰戶雷塔欄各置一盞市巷簫鼓喧填爲火 樹高吐數丈張掛花燈或各以意象作詼言隱語

相彈射謂之燈謎遊人觀賞至夜分不禁十六日 結伴遊寺廟登閣走橋日盱始散謂之遣百病

清明男女各插柳枝挈牲醴香楮登先隴祭畢簪 草享餽是月庭院設鞦韆戲 端午男女皆佩艾

葉硃符戶插艾枝以避五毒小兒以綵線繫臂謂 之續命以竹葉裹黍糯作粽亦名角黍親友交餽 或延客謂之解粽 七夕女子設瓜果醕脯祭織

女天孫用盆水浮針觀其所示之象以定女性工 拙謂之乞巧七月十五日攜瓜果脯醴楮錢登邱 隴持麻穀至隴上謂之薦新 中秋親友以菓殺

月餅相餽遺月下會聚飛觴呼盧至月影西流乃
罷謂之翫月 重陽以麪觴蒸糕謂之菊花糕新
釀黍酒謂之菊花酒邀賓觀菊插茱萸出郊野飲
謂之登高 十月一日攜酒脯登墓祭奠剪綵紙
爲衣裳焚之謂之送寒衣 冬至互相拜節擁爐
會飲謂之扶陽臘月八日以米菽稻麥棗八種雜
和粥煮食之謂之臘八粥二十四日掃除舍宇夜
設酒菓祀竈薦以飴糖除日各隨家人貧富預備
酒殺果物以給新年之用門庭結旛榜宜春換桃
符門神以祓不祥用椒柏葉合酒飲之燈燭熒煌

謂之守歲紙炮聲晝夜嚮震謂之驚山猴

鹽山縣

正月元日夜半子時長幼皆起賀歲食餽鈍味爽
親戚黨里交拜履新卽日祭墓迎春日啖春餅觀
土牛結綵樓以導芒神十三懸燈於門二十五日
填倉 清明前一日日寒食婦女架鞦韆清明日
掃墓陳祭哭新鬼士夫挈壺郊遊折柳踏青 四
月初八浴佛 端午插艾貼符於門食角黍飲菖
蒲雄黃酒避毒採百草爲膏 六月六日曝書帙
衣服 七月七日乞巧十四日月下陳瓜果列蔴

穀薦先祖次日挈祭物拜墓 八月十五日設瓜餅拜月親友相率釀飲 重九登高尋菊飲酒十月朔祀祖先焚寒衣於墓 冬至賀履長官紳交拜畧如元旦 臘八日雜棗菓諸米爲粥曰臘八粥兼飼貧二十三日設糖餅菓品祀竈次日掃舍穉童飾鬼面儼戲放爆竹除夕易門神換桃符春聯門羅彩箋陳香燭祭品祀天地祖先較常豐盛老幼圍爐守歲爆竹遠近連聲自夜達旦 喪事 舊從簡約多遵古禮棺槨衣衾附於身者必誠必信明季以來漸趨浮靡設齋修醮焚楮施

食超度懺悔紙人竹馬綵幢花架觀美之費甚繁惑於禍福之說數年不殯

慶雲縣

歲時 正月元旦夜半子時長幼皆起賀歲食角子親友交拜祭墓 元日陰晴卜歲豐歉晴主豐陰主歉立春送土牛啖春餅遊東郊人日夜息燭元夕張燈食元宵男請五祖教拳棒女請紫姑卜休咎十六男女出遊走百病放路燈二十五昧爽以前以灰圍地置五穀曰填倉食糕 二月二日以糠引於水以灰引至家水甕間謂引龍味爽以杖

擊梁避毒蟲春分移栽花木 三月清明前一日

為寒食祭墓增土掛紙錢是日栽柳踏青戲鞦韆

穀雨書符日辰逢穀雨商山伯莫教青奴枕蓆來

婦女理蠶 占候初一初二雨主歲饑月終作玫

瑰餅 四月八日浴佛十八日西山會場商賈駢

集 占候初一初二雨麥疸黃雨後分菊 五月

五日以五色線繫童男女手足戴綵符艾虎插艾

於戶食角黍雄黃硃砂菖蒲酒又用雄黃酒灑墻

壁驅毒蟲午時取百草可療病者蓄之為藥以墨

置蝦蟆口療諸毒餽節儀 占候此日雨有蟲災

十三日栽竹 六月六日農家挂紙錢田間曝書

帙曬衣服 占候此日雨殺蟲初伏食麩三伏作

豆豉麩醬 占候三伏無雨莫種麥淋伏頭旱伏

尾 七月七日女子乞巧滌膩器十四日陳瓜果

祀祖先戶左東向用麻穀黍稷薦新明日祭於墓

八月十五日設月餅瓜果拜月親友相聚宴飲

農家祭土穀神名青苗社 占候八月初一雨自

冬徂來歲春多旱中秋雲掩月來歲元宵有雪

九月九日婚姻家相餽用麩為糕五色錯雜謂之

重陽糕尋菊登高飲茱萸酒菊花茶 占候重陽

戊遇一冬晴 十月初一日無貧富皆登墓送寒
衣名燒衣節 占候立冬西北風主來年大熟
十一月冬至拜賀尊長謁官長畧如元旦 十二
月初八日食臘八粥兼飼貧二十三日送竈君朝
天次日掃舍宇兒童擊鑼鼓飾鬼面儺戲除夕爆
竹驅疫門前燎火花炮呼噪羣曰大戶無憂小戶
無憂清平世界百姓無愁

物產

穀屬

稻河間府志隋時滄州魯城縣地生野稻水穀二千
餘頃燕魏民就食之廣羣芳譜有杭有糯北方以

十三日栽竹 六月六日農家挂紙錢田間曝書
帙曬衣服 占候此日雨殺蟲初伏食麩三伏作
豆豉麩醬 占候三伏無雨莫種麥淋伏頭旱伏
尾 七月七日女子乞巧滌膩器十四日陳瓜菓
祀祖先戶左東向用麻穀黍稷薦新明日祭於墓
八月十五日設月餅瓜菓拜月親友相聚宴飲
農家祭土穀神名青苗社 占候八月初一雨自
冬徂來歲春多旱中秋雲掩月來歲元宵有雪
九月九日婚姻家相餽用麩為糕五色錯雜謂之
重陽糕尋菊登高飲茱萸酒菊花茶 占候重陽

戊遇一冬晴 十月初一日無貧富皆登墓送寒
衣名燒衣節 占候立冬西北風主來年大熟
十一月冬至拜賀尊長謁官長畧如元旦 十二
月初八日食臘八粥兼餉貧二十三日送竈君朝
天次日掃舍宇兒童擊鑼鼓飾鬼面儺戲除夕爆
竹驅疫門前燎火花炮呼噪羣曰大戶無憂小戶
無憂清平世界百姓無愁

物產

穀屬

稻 河間府志 隋時滄州魯城縣地生野稻水穀二千
餘頃燕魏民就食之廣羣芳譜有杭有糯北方以

為佳品北方地亦宜

士宜旱種類甚多

旨特營京東西各路水田天津海濱武清等縣共營成
稻田六百二十三頃八寸七畝逾年所營稻田或
一莖三穗或一莖雙穗

怡賢親王
特疏進

呈今則如坻如京歲慶豐
年羣黎共霑樂利矣

黍 周禮職方氏 冀州其穀宜黍稷爾雅翼黍有赤
黍黑黍黏者別名秫北人謂黃米亦謂之黃糯

稷 廣羣芳譜 冀北謂之聚俗呼為糜本草 黏
者為黍不黏者為稷北方地寒種之有補

麥 廣羣芳譜 北地燥冬多雪春少雨麥書花薄皮多
麩食之宜人陳者更良畿輔通志 小麥具四時之

氣春種者曰春麥大麥
仁可作飯生芽可作餈

按河間府志小麥有春秋二種大麥有米大麥一
名白麥稔薄而脆以手搯之即成粉故冠以米字

梁廣羣芳譜北方直名之曰穀脫殼則謂之小米北人日用不可缺者粟中之大穗長芒而有紅毛白毛黃毛之品者即梁也

按河間府志謂粟穀粒圓其種有竹根青金蠶兒金苗兒水裏紅耙齒金大葉黃羅裙帶朱裏紗箭稗白子母齊龍爪金齊頭白壓翻車靠山黃等名

蜀秫畿輔通志紅白二種俗呼高糧農政全書蜀秫在北方地不宜麥禾者乃種此尤宜下地

稗爾雅翼稗有二種一黃白一紫黑紫黑者芑有毛北人呼為烏禾

糝子廣羣芳譜北地荒陂處種之苗葉似穀穗如粟穗而分數歧碾米煮粥蒸食皆宜

按糝一作穆即稗也

蕎麥廣羣芳譜北人作餅餌日用以供常食農人以為禦冬之具

按畿輔通志云蕎麥一作菠

大豆爾雅疏戎菽大豆也淮南天文訓北方其地宜菽本草大豆有黑白黃褐青斑數色農書黑豆

最細者曰櫓豆一曰料豆北人以飼馬

龍眼豆河間府志顆圓色黃

狐狸豆河間府志多斑

羊角豆見靜海縣志

麩豆河間府志皮實皆軟

小豆畿輔通志有赤白二種

豌豆廣羣芳譜種出西戎北地尤多

按畿輔通志云北地所產尚有菜豆豇豆刀豆白菹豆等種

脂麻畿輔通志俗作芝麻

蔬屬

芹

河間府志秋深最茂畿輔通志有園芹野芹水芹

菘

河間府志即白菜廣羣芳譜北方多入窖內不見風日長出苗葉皆嫩黃色脆美無滓謂之黃芽乃

白菜別種

菠菜

畿輔通志一名赤根蘇軾詩北方苦寒今未已雪底菠菜如鐵甲

山藥

畿輔通志一名諸薯

蔓菁

畿輔通志一名蕪菁草木蟲魚疏葑蕪菁幽州人或謂之芥爾雅翼蔓菁南北通有之北土種

之尤多

菱白

畿輔通志于即菰米

蒿苳

畿輔通志莖如筍俗呼蒿筍

蘿蔔

農書北人蘿蔔一種名春曰破地錐夏曰夏生秋曰蘿蔔冬曰土酥廣羣芳譜一名萊菔一

名紫花菘處處有之北土尤多狀有長圓二類根有紅白二色可生可熟可菹又葫萊菔水菹

服天津衛志旱蘆菴色紅形圓而大

蒲筍

河間府志肥者堪食

蒼蓬

畿輔通志一名蒸菜

甘露

畿輔通志俗名滴露又名玉環

莧

有紅白二種詢莧錄北人呼苳乃莧音誤也

黃花菜

畿輔通志一名金針

菌

舊畿輔通志木生者如芝草生者如蓋土生者如丁土人總名曰蘑菇惟凍黃天花延壽猴頭雞腿

羊肚為最

茨菇

擘藍 廣羣芳譜南方謂之芥藍葉可擘食故北人謂之擘藍葉大於松根大於芥臺苗大於白芥子

大於蔓菁河間府志葉厚如若蓬而圓穠翠如藍葉而大

茵蓳菜 廣羣芳譜葉似豌豆紫花三晉為盛齊魯次之燕趙又次之

芋 又一種小者名香芋俗名土豆

茄 畿輔通志又木茄宜生食

灰藿 廣羣芳譜一名灰滌今訛為灰條處處原野有之

王瓜 學圃餘蔬出燕京者最佳種之火室中逼生花葉二月初即結小實

甜瓜

香瓜 天津衛志甜瓜中形小而味香甜

菜瓜 廣羣芳譜北方名苦瓜色青質脆可生食苦者可作菹

南瓜 一名倭瓜 冬瓜 一作東瓜 絲瓜 北瓜 梢瓜 中瓜

並見天津衛志

蘘香 畿輔通志一名八月珠土人名曰小茴香

椒

秦椒 廣羣芳譜以產秦地故名今北方秦樹另有一種

槐芽 椿芽 柳芽 河間府志並堪作茹亦清

春不老 畿輔通志味辛葉青而莖澤

壺蘆 畿輔通志一作葫蘆可挹可食

藕 草木蟲魚疏幽州謂之光旁為光如牛角

茶畿輔通志一名苦菜

苻河間府志叢生水中

蘇河間府志無紫者不大芬

地梨見天津衛志

雞頭見靜海縣志

蒿菜 落籬菜 銀條菜 苦價菜 菱心菜以上並見

河間府志

蔥有四種曰凍曰胡曰漢曰蒼

蒜

菲

蓴菱一作芡菱

瓠

果屬

桃河間府志銀桃甚巨雖熟不紅味最佳絡絲桃紅白相間金桃色紅扁桃形如小餅秋桃熟遲

李客燕雜記李五紫李綠李黃李麝香李盤山李河間府志青黃紅三種

石榴河間府志紅白酸數種

梅杏畿輔通志梅子本杏屬土人呼為梅杏

杏出於天津葛沽者佳

梨河間府志有數種名秋白最佳土人熬膏

櫻桃

荇薺 較南中者差小

山榧 畿輔通志俗呼山裏紅

栗 唐書地理志幽州土貢栗明王嘉謨石甕記幽薊栗千子可食數口

棗 神異經北方大棗味有殊既可益氣又安軀

蘋菜 采蘭雜志燕北蘋菜果味雖平淡夜置枕邊有香氣查奕楠蘋菜果詩是物幽燕貴雕盤獨薦

時芳華存梵夾蔽芾補風詩楚楫名空得唐梯摘易為乍隨籠壓騎還想雨低枝淡白腮輕柰勻紅

頰肖梨數頭堪飢座連蒂落提攜齒冰臨印馥香凝下蔡迷枕幽聞逆鼻瑤席嗅支頤墜地誰工寫

傾筐肯見遺靈根吳客少風味細娘知似荔宜添譜采蘭曾費詞玉牕春夢裏贏得寄相思

沙果 自花紅畿輔通志綿而沙者曰沙果俗名甜果一名林檎宋起鳳甜果詩野人藝果便為田架

閣誅茆樹杪眠富比成都桑八百業饒笠澤橘三千豪家筐筐修庭實里社門福享豆修聞道上方

多却貢採鮮從未致郵傳

檳子 即奈子味澀畿輔通志一名虎喇檳

羊棗 畿輔通志俗呼軟棗一名丁香柿

杜梨 鄭康成詩注北人謂之杜梨南人謂之棠梨

銀杏 畿輔通志一名白果一名鴨脚子宋梅堯臣詩北人見鴨脚南人見胡桃識內不識外疑若橡

栗韜鴨脚類綠李其名因葉高

文官果 五雜俎形如螺味甚甘類滇之馬金囊河間府志細葉柔枝大略如槐其花叢生

數房

無花果 倦遊錄木饅頭京師亦有之謂之無花果河間府志不花而生狀如青李大葉勁枝

菱 天津產趙賢秋晚詠紅菱調寄滿庭芳詞蓮葍都枯茨房已老水鄉風味將殘試尋秋浦葭葦影迷

漫剩有殷紅兩角荒陂外嫋嫋絲寒應留伴橙兒
橘弟小艇賣來看 記五湖放櫂烏篷不取柁底
交餐悵陽阿歌杳誰罄清歡今日絳襦重解霜
華冷疑借楓丹無端感故園豆莢不得共登盤

葡萄 廣羣芳譜北方天寒初冬草裏埋地尺餘春分
後取出數日後架起子生去繁葉使霑風露則

結子肥大河間府志有紫白二種

西瓜 范石湖詩注西瓜味淡而多液本燕北種魏文
帝與吳質書憶昔南皮之遊浮甘瓜於清泉沈

朱李於寒冰

花屬

牡丹 廣羣芳譜一名鹿韭一名鼠
姑一名百兩金一名木芍藥

芍藥 本草一名白茱一名解倉白
名名金芍藥紅者名木芍藥

水仙花 長物志水仙六
朝人呼為雅蒜

秋海棠

丁香 畿輔通志
紫白二種

榴花 蓮生八牋燕中榴花有千瓣白千瓣粉紅千瓣
黃千瓣大紅單瓣者比他處不同中心花瓣如

起樓臺謂之
重臺石榴

桃花 畿輔通志有山桃園
桃惟千葉碧桃為最

李花 又郁李花有粉紅
有白郁李即常棣

杏花

梨花 花木考梨花有
二種瓣舒者佳

蘋婆花 畿輔通志紅白雅淡
北花中之最可愛者

柰花

荷花

爾雅注北方人便以藕為荷亦以蓮為荷

葵

畿輔通志有冬葵戎葵菟葵向日葵黃葵錦葵蜀葵諸種

菊

天津衛志菊有白牡丹娃娃面太師黃太保黃等名河間府志種數多無大佳者

按天津近有洋菊種凡數十花朵穠豔大者幾與芍藥等

探春

畿輔通志白玉紫香二種

薔薇

一作薔藤廣羣芳譜一名刺紅一名山勒一名牛勒一名牛棘

月季

俗呼月月紅一名關雪紅一名勝春

木槿

廣羣芳譜一名椴一名白日假紅日椴一名口及一名天蒸

紫藤

迎春

一名金腰帶人家園圃多種之叢生高數尺有及丈者

紫荆

一名滿條紅叢生春開紫花甚細碎數朵一簇無常處或生本身之上或附根下枝上

紫薇

湧幢小品一名滿堂紅一名怕癢花西陽雜俎紫薇北人呼為猴郎達樹謂其無皮猴不能捉也北地其樹絕大有環數夫臂者

金粟

俗名高苳蓮亦名鶯粟

虞美人

學圃餘疏一名滿園春千葉者佳

長春

俗呼金盞宛陵詩集注一名醒酒花

石竹

一名石菊又名洛陽花叢生花色以數十種計

鳳仙

俗呼海蔘其色數種

玫瑰

遵生八牋有二種其一種色黃出燕中花稍小於紫玫瑰

櫻桃花

廣羣芳譜櫻桃木多陰不甚高春初開白花繁英如雪香如蜜葉圓有尖及細齒

玉簪花

廣羣芳譜處處有之一名白
芎一名白鶴仙一名季女

金簪花

一名黃簪

翦春羅

花史一名碎翦羅

山丹

一名紅百合一名連珠一名紅花菜根似百合體小而瓣少莖亦短小葉狹長而尖頗似柳葉

滴滴金

花史一名金錢菊一名夏菊一名艾菊一名旋覆花一名疊羅金

百合花

本草一名翻一名強瞿一名蒜腦諸一名重箱一名中逢花一名重邁一名中庭

山芥花

春時花開極繁色青紫蔬食最美

珍珠花

色白細朶

望江南

即石厥明

黃刺藤

學圃餘疏刺藤有紅黃二種絕似玫瑰而無香黃者出京師

雞冠

天津衛志有白紅二種近今五色皆備

鹿蔥

色頗類萱但無香爾鹿喜食之故以命名

扁竹

十姊妹

江西臘

即淵明菊色不一類天津府志其花藍色似菊而瓣單

金鈴

色黃即野菊花又白者名銀鈴

轉枝蓮

一名串枝蓮

合歡

俗呼馬纓一名合昏一名青棠

夜合

金含英夜合花詩朝來紅豔儘教看底事燈前欲見難應是名花深自愛五更風雨怕摧殘

荷包牡丹

即當歸花一名朝鮮牡丹

金錢花 一名子午花俗呼夜落金錢

蝴蝶花 一名鳳翼

剪秋羅 一名漢宮秋色

捲丹 一名渥丹

六月菊 苑西集黃心藕合瓣有重紋自六月開至秋都人因名之

僧鞋菊

萱花 一名紫萱一名孤挺花

蓼花 一作水蓬花天津衛志好生泥淖中其花纍纍可愛即紅蓼畿輔通志北地高幾以丈俗呼水

紅花

按花有紅白二種

金雀花 色黃白者名銀雀花廣羣芳譜叢生莖褐色高數尺有桑刺一簇數葉花生葉傍色黃形

尖旁開兩瓣勢如飛雀甚可愛

牽牛花 俗呼紅娘子

馬蘭 畿輔通志馬蘭生道旁似蘭而大色藍無香

木屬

松 周禮職方氏冀州其利松柏

柏 見上

樅 松葉

檜 一名栝柏葉松身

竹 土人植者頗多枝葉差小筍不可食吳廷華水西莊竹詩二首土宜河北少移種水西新月淡烟生

影窓虛風有人窟深出濃蔭雷動忽殘春坐嘯可
終日孤清托海津竹王有分土相望作三區洋灑
意不盡深濃勢欲扶悠然習清衛高
絕眇長蘆試問黃初客澄懷得似無

桑

王安石詩幽燕桑葉暗川原幽薊古多樹桑今則
絕少矣異苑北方有白桑甚長數寸食之甜美容
齋三筆幽州人
以桑葚為糧

榆

名粉河間府志白粉皮可充飢其錢甚美漢龔遂
治渤海令民口種十樹備飢爾雅翼江南有刺榆
無大榆蓋大榆北方有之典術

楊

廣羣芳譜北方材木全
用楊槐榆柳人多種之
唐書地理志滄州土貢柳箱
宋史地理志滄州貢大柳箱

椿

畿輔通志
芽可充蔬
河間府志俗名西河柳
性浮為舟可以負重

槐

又一種
曰龍爪

杜

即杜梨河間府志一
名甘棠可任剗刷

檀

桃木
枝幹勁直色紫
皮滑可以裹鏃

柅

緣山谷生
之子曰橡

桐

有椅桐青桐梧桐各種燕
京賦注椅桐宜於北地

馬英

海楠
見靜海
縣志

棘 山海經北嶽之山多枳棘剛木

卉屬

茵蓐 詳蔬屬

莎 可為笠

蘆 丹銘錄蘆葦本一物北人水傍下濕處生者為葦其細不及指人家園池間所植者為蘆其幹差大

淡碧色者為碧蘆廣羣芳譜茨似萑而細高數尺中寔

艾 有家野二種

水蔥 形長色碧可為扇

女蘿 一名金線草

莞 河間府志可作蓆

蒼耳草 即菜蔬

芭蕉 根有極大者但久必藏之土窖

葇

靡蕪

鬱金香

藍 染草有大小二種即靛也

齒 可染物

萑

麻 雄者為泉雌者名苴有綵麻大麻河間府志大麻又名線麻黃麻

茅 幽燕紀異茅地經冬燒去枝梗至春取土中餘根色如玉者搗汁煮之至甘可為洗心糖

洛神珠 一名酸漿俗呼紅姑娘

鹽蓬 河間府志葉圓長至秋枝葉俱紅燒灰煎之可得鹽極甘美

謙蓬 河間府志似鹽蓬而大曝乾為燼煎之可得謙

烟草 食物本草閩產者佳燕次之春種夏花秋日取葉切細如髮草頂數葉名曰葢露

老少年 一名十樣錦

菖蒲

藥屬

地黃 一名地髓本草衍義北人謂之牛奶子

牽牛 本草注此藥始出田野人牽牛謝藥故以名焉一名盆甌草一名黑丑白丑一名草金鈴一名

狗耳草處處有之有黑白二種

甘草 甘古作昔一名國老一名靈通一名美草一名蜜草一名蜜甘一名落草

桃仁

杏仁

槐實

草麻子

瞿麥

荆芥

蒲黃

蒲公英

益母草 一名芫蔚

菟絲子

卑雅在木為女蘿在草為菟絲

茵陳蒿

唐本草此雖蒿類經冬不死更因舊本而生故名因陳後加蒿字耳

按廣雅作因塵

紫花地丁

一名箭頭草

天仙子

蛇牀子

本草經一名蛇米一名思益一名繩毒一名棗棘花葉似薜蘿

葶藶

爾雅注實葉皆似芥一名狗薺

車前子

卽芣苢爾雅翼幽州人謂之牛舌草

赤色兒

榆白皮

馬前草

北疾藜

楚辭作藜一名茨其刺傷人甚疾而利也一名升推一名旁通一名休羽一名屈人一名

行

桑白皮

蘇子

芒硝

蟬蛻

海螵蛸

牡蠣

枸杞

古以常山者為上

地骨皮

扁蓄

斑菹

瓜蒌仁

天花粉

酸棗仁

夏枯草

朱震亨曰此草夏至後即枯蓋稟純陽之氣得陰氣則枯故名本草綱目一名夕句一名乃東一名燕面一名鐵色草

谷精草

一作穀精本草綱目穀田餘氣所生故名穀精

防風

廣羣芳譜一名屏風一名回芸一名回草一名銅芸一名藟根一名百枝一名百蜚本草綱目

云防者禦也其功療風最要故名

香附

金史地理志河間府產

半夏

本草綱目禮記月令五月半夏生蓋當夏之半也故名一名和姑在處有之

木鼈

靛花

秦王草

蒼耳子

詳卉屬

獨角蓮

馬齒莧

蝟傷搗汁塗之立瘥

薄荷

一名菝葜又一

馬兜鈴

青箱子

本草綱目一名草蒿一名萋蒿一名崑崙草一名野雞冠一名雞冠草一名草决明

白芥子

金銀花

一名金銀藤一名忍冬

萱花根

金絲荷葉

以上藥品見各州縣志因備錄之

貨屬

絲

唐書地理志滄州土貢絲河間府志宋河間繭絲織紵之所出貢絲

綿

太平寰宇記幽州土產綿金史地理志河間府產無縫綿

絹

唐書地理志瀛州河間郡土貢絹宋史地理志滄州貢大絹

土綾

河間府志不堪用

布

唐書地理志滄州土貢布河間府志土布細者次於吳中又有斜文布

席

唐書地理志滄州土貢葦簾金史地理志河間府產蘭蓆

鹽

周禮職方氏幽州其利魚鹽史記燕有魚鹽棗栗之饒漢書地理志章武縣有鹽官太平寰宇記渤海在鹽山縣東北一百三十里鹹土在縣東七十里田周一百五十里地帶海濱其土鹹鹵海潮朝夕所及百姓煮之為鹽今沿海有場設官司之長蘆鹽課出於縣者十有五六天津衛志大海去城百餘里商出百萬之課民獲興販之利魚鹽之藪也

按滄州志載有火鹽今無

鹽

金史食物志刮鹽土煎食者杖

蜜

山蜜多白家蜜多紅

酒

宋趙珣熙寧酒課十萬貫以上滄二十三務宋張能臣酒名記河間府有金枝玉醞酒河間府志酒多以菊名然推滄產滄州志釀屬有菊酒時酒東陽酒等名

蔥薦

蘆花被

蒲花褥

麻履

以上並見河間府志

禽屬

鶩

爾雅舒雁鶩也一名蒼鴨

雞

爾雅雞大者蜀子鷄赤成雞曰健絕有力奮雞三尺為鷄

鴈

墨客揮犀北方有白雁秋深則來來則霜降爾雅翼北方白雁似鴻而小色白

鷹

本草釋名鷹以膺擊故謂之鷹爾雅翼在北為鷹在南為鷂一云大為鷹小為鷂本草集解鷹出遼海者上北地者次之北人多取雛養之

鷓鴣

上見

鵲

埤雅鵲拳堅處大如彈丸俯擊鳩鴿食之

魚鷹

淘河

爾雅注鵲一名洿澤郭璞曰今之鵲鵲也好羣飛入水食魚故名洿澤俗呼之為淘河本草集解鵲鵲處

鸛

本草集解鸛有兩種似鵲而巢樹者為白鸛黑色曲頸者為烏鸛格物總論鸛水鳥狀類於鶴但赤脚無朱頂巢於高木絕頂處

鷓鴣

本草集解鷓鴣水鳥大如鳧鷖而高脚似雞長喙好啄其頂有紅毛如冠翠鬣碧斑丹背青頸

養之可玩

黃鳥

即黃鸝草木蟲魚疏幽州謂之黃鸝一名倉庚一名楚省按河間府志又載有阜鸝白鸝

布穀爾雅鳴鳩即布穀

鶯廣雅鶯鶯鳴也本草正
誤鶯即鳴有家鳴野鳴

鳧尸子野鴨為鳧

燕廣雅元鳥燕也埤雅越燕多巢堂室中胡燕多在簷下作巢

按天津有土燕無紫領巢於野外似越燕而小

烏格物論烏鴉之別名種類亦繁有鴉烏有慈烏本草集解慈烏北土極多飛作鴉鴉聲禽經北人喜鴉而惡鴉南人喜鴉而惡鴉

鶯鶯爾雅鶯鶯春鋤也

鵲爾雅鵲鵲醜其飛也猥格物總論南人聞其噪則喜北人聞其噪則悲

鳩草木蟲魚疏鳩鳩深目目上骨露出幽州人謂之鶯鶯通志祝鳩最多

祝鳩即鳩
按風土記云祝鳩即反舌

鷗說文鷗水鳥也本草釋名在海者曰海鷗在江者曰江鷗

鷓鴣即鷓鷓鴣也呂覽注青州謂之鷓鴣周雒謂之鷓幽州謂之鷓

相思鳥

桑扈一名蠟

鷓鴣爾雅桃蟲鷓鴣其雌俗名巧婦草木蟲魚疏幽州謂之鷓鴣本草集解鷓鴣處處有之

北畫眉一名灰串

阿鷓似山鵲而小聲似畫眉能學各語

地鴉似雁無後跡

天

卷之五

物產

鷓鴣

爾雅注俗呼茲老

鴛鴦

一名啄木本草釋名鴛鴦斲木爾雅此鳥斲裂樹木取蠹食故名

鵲

爾雅鵲鵲離渠飛則鳴行則搖

白翎

翠雀

多生水際胡忠楨翠雀詩山禽愛顏色毛羽長鮮新暮棲瓊林側晨浴瑤池濱羅人折其翼致

作閨房珍黃金相映耀配以玕琪珣物微足憂患蘭茗生荆榛桂香還自伐象齒焚其身君看烏衣

燕常宿梁間塵

瓦雀

本草釋名棲宿檐瓦之間馴近階除之際如賓客然故曰瓦雀俗呼老而斑者為麻雀小而黃

口者為黃雀

靛雀

畿輔通志大似瓦雀土人呼為白白回回

紅料

又有麻料黃料

鴿

本草集解處處人家蓄之亦有野鴿名品雖多大要毛羽不過青白阜綠鵠班數色眼目有大小黃

赤綠色而已亦與鳩為匹偶

桃雀

禽經狀類黃雀而小燕人謂之巧婦亦謂之女匠

鐵脚

姑丁

獸屬

馬

左傳冀之北土馬之所生魏都賦冀馬填廐而駟駿唐書天文志冀之北土馬牧之所蕃庶故天苑

之象存焉

羸

廣志羸北羸方或曰罔

驢

牛 周禮職方氏冀州其畜宜牛羊淮南天文訓北方其地多牛羊

羊 見上

豕

狼 說文狼似犬銳頭白頰前高後廣爾雅牡獾牝狼其子獬絕有力迅

獾 見上

狐 本草集解形如小黃狗鼻尖尾大有黃黑白三種

貉 本草釋名貉與獾同穴各處故字從各說文作貉亦作貉

狸 埤雅獸之在里者故從里穴居藎伏之獸也本草集解狸有數種大小如狐

犬

地猴 一名黃鼠狼罪雪錄黃鼠畏地猴入其穴則銜黃鼠喙曳而出之

黃鼠 淵鑿類函黃鼠晴暖則出坐穴口見人則交其前足拱而如揖乃窺入穴即詩所謂相鼠有體

韓詩所謂禮鼠拱而立者也

鼠 說文鼠穴蟲之總名也象形凡鼠之屬皆從鼠

兔 本草集解兔大如狸而毛褐形如鼠而尾短耳大而銳上唇缺而無脾長鬚而前足短尻有九孔跌

居趨捷善走其大者為兔似兔而大青色首與兔同足與鹿同

貓 埤雅鼠善害苗而貓能捕鼠去苗之害故貓之字從苗

鼯

刺蝟 河間府志其色灰白遍體剛毛繁而懸之聲似嬰兒

鱗屬

鯉 山谷別集燕人膾鯉方寸切其腴以啗所貴

鯪

鯽 卑雅鮒 即鯽魚

魯魚 天津四月以後出海

羊魚 天津出形圓尾似牛尾多刺手不可觸

燕魚 春時有故名

巨羅 細鱗多刺天津呼為騰香魚

魴 卑雅廣要今之青鰻也細鱗縮頸潤腹其廣方其厚扁故一曰魴一曰鰻

鯽 卑雅廣要似魴而鱗弱其色白北土皆呼白鯽

銀魚 天津衛志一月有

鮫魚 出海

鱧 俗呼黑魚一名七星唐書地理志滄州土貢鯉鱧

白條 似銀魚而身細肉薄乾可以蓄俗曰麩條天津出

鯽頭魚 俗呼鯽後

鱖 魚 即鱖

鰕魚 其形似鰕天津出

回網魚 一名網鯉不受釣餌遇網即回魚人以叉得之味腴美冬時有俗訛回黃

比目魚 魚惟一目行則二魚相附析津日記上人呼為鞋底魚

柳葉魚 見靜海縣志

鮎 鱸 鱣 鱣 黃花魚 石鱣 鰻 白魚

魚 鱖 魴 鱸 魚 鯊 鯛 白眼魚 黃姑魚

以上魚名並見各州縣志因備錄之

河豚之冠朱彞尊河豚歌天津之水連北溟七十二

沽旋迴汀漁師乘春漾極浦舫葉葉輕於萍河
豚此時舉網得活東大小同賦形賣不直錢棄可
惜堆置更比凡魚腥南人見之莞爾笑是物足勝
通侯鯖葦蒲束取十百輩馬馱車載兼手拾晨興
主人食指動忽覩兩縛陳吾庭客來疾呼莫莫
亟當投畀煩丁寧食熊者肥食鼃瘦豆令人重榆
則瞑彼猶無傷此獨甚犯之不異衝鈴釘主人語
客且安坐吾言物理君試聽人生一死各有候非
英棗華木葉零即如飲啄亦分定鼎腹豈必堅關
扁雖云甘脆腐腸藥不聞茹藿長延齡茲魚信毒
種乃別腰胸有法食有經或如燕子尾涎涎或如
束帶腰黃鞋今之饋者皆不爾安用荷鍤狸邱真
挾精刮膜漉出血如鼈去醜魚乙丁磨刀霍霍
作片井華水沃雙銅瓶薑芽調辛橄欖醃菘

白萸蒿青日長風和竈觚淨纖塵不到晴牕櫺重

羅之麪生醬和凝視滓汁仍清冷吾生年命匪在

卯奚為舌縮箸蠲停西施乳滑恣教齧索郎酒醜

未願醒入唇美味縱快意累客坐久心方寧起看

牆東杏花放橫參七點昏中星吳廷華西施乳詩

四首正是河鮑初上時館娃風味不堪追馬肝已

中三吳毒豕腹難歸九島池不共豚蒸王武子終

同酥識祿山兒笑他資善堂前客一死如牽抱哺

私香水溪頭張頰日錦帆涇畔進腴初怒瞠不似

胥門日免乳終羞絕越書曾滴珍珠止兒語敢隨
銀膾號王餘火田蘆服原佳種一味清芬定不如
雙峰未入捧心圖誰褪金訶出玉膚楊柳花時誇
入饌牡丹會上愧煎酥餘膏還布廣長舌逐臭空
傳明聖湖一巒難填吳沼恨翻將潤滑媚勾吳南
烹爭多死吳娃唐突多應齒莫邪試問酪奴誰上
品謾將懶婦委東家醍醐本自稱時望乳臭終須
累鬢華何似渭濱人出
浴軟香七尺便殘牙

金魚

魚 鱖 魴 鱸 魚 鯊 鯛 白眼魚 黃姑魚

魚子 河間府志 津門所饒

鯊 天津魚鹽之地所產極饒

介屬

龜

鼈 爾雅鼈三足曰能

鰕 金史地理志河間府產錢鰕天津衛志天津有虹鰕線鰕對鰕靜海縣志縣產紅鰕

蟹 唐書地理志滄州土貢糖蟹遼志渤海螃蟹紅色大如碗螯巨而厚金史地理志河間府產蟹天津衛志秋間肥美味甲天下

河間府志蠟蟹名黃甲

蛭 天津產裙帶蛭極美

螺 爾雅螺小者蝸

蚌 埤雅廣要蚌之形刻外剛而內柔性又善麗故也

蛤 有海蛤文蛤青蛤白蛤等種說文海蛤百歲燕所化本草經文蛤表有文山堂肆考毛蛤曰蟻雖天

蛤曰齊蛤小蛤曰蠹薄蛤曰蚌稜蛤曰蚌蓋其形殊故名亦不一也

白蜆 又一種名黃蜆

土蛛

蝦米 色白者為銀米小而紅者為金鈎米大者味淡為上出天津

蝦皮 白色而鱗

海螵

蝦醬

蟹醬

蛙本草一名蟾蜍一名蝦蟆

奇雞俗呼田雞

蟲屬

蠶史記貨殖傳燕代田畜而事蠶

蠶有土蠶蜜蠶馬蠶各名爾雅翼北方地燥多在土中故多十窠方言蠶燕趙之間謂之蠶蠶其小者謂之蠶蠶

蝶謂之蠶蠶

蝶崔豹古今注蛺蝶一名野蛾一名風蝶又有鳳子鳳車等名

蟬土人呼唧蟬三伏鳴者聲躁以急曰伏秋天入秋而涼鳴則淒短曰秋涼

蜻蜒爾雅蜻蜒一名虹蛭一名負勞說文一名桑根方言注蜻蜒謂之唧蛉呂覽注一名白宿

莎雞草木蟲魚疏如蝗斑色毛翅數種下翅正赤幽州人謂之蒲錯崔豹古今注莎雞一名絡緯

蟋蟀草木蟲魚疏似蝗而小正黑光澤如漆幽州謂之促織

螽蛄即寒蟬

鼻螽俗呼螞蚱津人多食之

鼯鼯爾雅疏自關而東趙魏之郊謂之鼯鼯或謂之蝮蝮方言北燕謂之蝮蝮又一種扁薄作幕貼

壁間北人呼為壁鼯又蠪蝟長脚此蟲著人衣則有喜幽州謂之親客

蛾爾雅蛾羅也孫炎正義曰蛾是雌羅是雄卑雅繭生蛾蛾生卵

蚓崔豹古今注蚓一名蜜壇一名曲壇善長吟於地中

蝙蝠爾雅蝙蝠伏翼也方

蝸三倉蝸小牛螺也俗名黃犢日華子曰即負殼蝸蚰

蜥蜴守宮也方言北燕謂之祝蜥說文在草曰蜥蜴在壁曰蜥蜴

螢 爾雅螢火即照也呂氏本草螢火一名夜照一名熠燿一名景天一名據火一名挾火

螽斯 本草蟲魚疏螽斯蝗類色青長角長股股鳴者也

螳 詞林海錯蟻名螳蟻亦名石宮大者為蚍蜉小者為蟻蟬

螳螂 俗呼刀郎爾雅疏燕趙之際謂之食龐其子名螳蛸

蠹 草木蟲魚疏蠹幽州謂之蠹癸辛雜識北方火蠹比之常蠹極小其毒甚酷

蟬

螟蛉

竈馬

牛蠊

蟻槽

水牛

花牛 形小色黑背有白點二鬚有節

蜚蠊 霍豹古今注蜚蠊一名蝘蝓一名蝘蝓一名蝘蝓九能轉土成丸圓止無邪角本草俗名推丸

蛇 字說蛇螫人而亦逃人

蜈蚣 毛詩名物解廣雅曰蜈蚣蜈蚣性能制蛇北燕謂之蜈蚣大者謂之商距一名馬陸

蠅虎

蠅 夢溪華談信安滄源之間多蚊蠅夏月牛羊皆以泥塗之不爾多為蚊蠅所毒則在遠不可制

螻蛄 爾雅翼今人謂之土狗北方謂之地螻

蟻 即蚍蜉方音趙魏謂之蚍蜉北燕謂之蚍蜉

蠅 爾雅蠅醜扇好搖翅也

牛子

卷之五 物產

三

蚊

浮蟪爾雅注似天牛而小有角

天津府志卷之五 終

天津府志卷之六

山川志

禹貢紀不成之功道水與道山連類及之蓋扶
之氣實土地人民所自出周禮職方氏山澤並傳
此物此志也郡居恒山之東域而九河之下遊一
邱一壑一瀆一支具足壯畿輔金湯之色矧西山
著望於蘆臺直沽海口又為京西南四百水之尾
閭則所係大矣豈徒山經海志等傳靈怪已哉志

山川

西山

青縣志在城西南五里舊志云有茂林修竹

津府志

卷之六 山川

一

今無存方輿紀要四周高峻其頂平衍昔人嘗立營砦於此

中山 方輿紀要中山在青縣南二里舊志云山巖聳時懸瀑凡數十丈俗呼爲高土岡青縣志舊有懸瀑數十丈如猿啼鶴唳之聲故迹猶存

條山 河間府志在滄州城北三里

按青縣志云中山在縣南二里唐陽城隱此河間府志云條山在滄州城北三里或謂陽城所居滄州志直云中條山在城北三里唐陽城隱居中條山卽此據唐書陽城傳城隱中條山考地志中條

山在蒲州襄衍數州縣城自定州北平徙陝州夏縣與平陽近故隱于此傳又言陝虢觀察使李泌數禮餉城亦就近地言之則城自在晉與此何涉河間青縣二志因其地適爲中山條山故傳會言之若滄州則竟合兩爲一而名之曰中條山以實陽城隱居之說不知中山自在青縣條山自在滄州兩山相去畿五六十里不可合也故刪之

大台山 河間府志在南皮城北隱隱隆隆起伏斷續爲一方勝槩

按滄州志謂山在滄州見金史據金史地理志山

在南皮不在滄州故正之

白馬嶺 南皮縣志在城東里許雲霧中恒見白馬
出沒

寶家嶺 南皮縣志在城北五里相傳為禹鈞別業

小台山 南皮縣志在城北亦自大台分脉

五龍岡 南皮縣志在城南五十里相傳為神女產

龍處有卧兒臺拖裙嶺過街樓下有龍灣

黑龍岡 南皮縣志在縣東南四十里曾現黑龍故

名

鹽山 河間府志在鹽山縣東南八十里以其地產

鹽故名隋書地理志勃海郡有鹽山峽山

按方輿紀要云晉大興初段匹磾據薊為段末杯

所攻將南奔樂陵太守邵續石勒遣將石越邀敗

之于鹽山即此

篋山 河間府志在鹽山縣東南二十里一名峽山

按水經注浮瀆東逕篋山北魏氏土地記云高城

東北五十里有篋山長七里即此

關山 河間府志在鹽山縣東南九十里但不甚高

亦無峯巒樹木

小山 河間府志在鹽山縣東七十里跨海豐縣界

長蘆鹽法志小山平行十五里春時藤花蔓開望如雲錦

按鹽山縣志云小山一名馬騮山屬海豐縣因近地有屬本縣者舊志載入今仍之

鐵錢山

河間府志在鹽山舊街中高二

原文缺二字無

字成錠民間至今有藏其錢者

馬古山

長蘆鹽法志在鹽山縣崔家口東三十里

平地突起山腰有仙人洞

老烏山

金史地理志在滄州無棣縣河間府志以

色似老烏故名

按滄州志謂州有老烏山見金史據金史地理志

山在無棣縣州志因無棣屬滄州遂謂山在滄州

誤

長城嶺

方輿紀要在慶雲縣南四十里勢如岡陵

舊志以為齊之長城或云禹所築九河堤又有卧

龍岡在縣東南鬲津河中

卧龍岡

河間府志在慶雲縣東二里鬲水中蜿蜒

數里若卧龍然

按方輿紀要南皮縣有古黃河兩岸廢堤窪然峭立居人謂之卧龍岡河間志當本此而傳會之耳

渤海

畿輔通志在天津縣東南一百二十里青縣志在縣東一百二十里靜海縣志在縣東一百七十里滄州志在州東一百三十里鹽山縣志在縣東一百二十里

按方輿紀要云渤海在滄州一百八十里鹽山縣東七十里靜海縣東北一百五十里與州縣志不同

又按應邵曰海之橫出者曰渤博物志北海之別有渤海長蘆鹽法志水之盤洄者曰渤漢名北海

太守龔遂注北海即渤海自山東登萊至永平俱

謂之渤海宋程泰之謂逆河淪為渤海

說詳古蹟

孔穎

達禹貢疏謂渤海郡以此得名今滄州也方輿紀

要元行海運以天津海道為咽喉要道明亦嘗通

運於此嘉靖二十八年遼撫侯汝翼以遼東大饑

議遺粟天津其入遼之路自海口發舟至廣寧古

屯河通堡不及二百里中間若曹泊店月沱桑沱

姜女墳桃花島咸可灣泊各相去四五十里無風

濤盜賊之虞從之尋復罷又云天津一隅東南漕

船鱗集其下去海不過百里風帆馳驟遠自閩浙

近自登遼皆旬日可達控扼險要誠三輔一大形勝地也

海河 畿輔通志南北運河之會流也自天津東北三岔口迄大直沽口長一百二十里溪廣崖深奔流湍駛潮汐迎之則逆行而上禹貢所謂逆河是也

天津河 金史河渠志明昌六年十二月通濟河叛設巡河官一員與天津河同爲一司

按此天津之名所自始

界河 靜海縣志宋史御河自通利乾寧入界河達

於海卽天津河爲宋遼分界之處故云

按舊志云界河亦曰潮河古爲滹沱易水巨馬三水匯流處自文安大成縣流入合御河宋遼分界於此今皆會於三角淀入白河不入衛河矣據宋河渠志王亞謂海口三女砦天之所以限契丹也則界河在此無疑所謂天津河者亦當在此但兩河是一是二於史無考姑並存之

白河 畿輔通志卽北運河古沽水也亦曰潞河源出宣化府赤城縣流經口外密雲縣之石塘嶺關過密雲縣西又南逕懷柔縣東又南逕順義縣東

又南逕通州北又屈逕其東南又逕香河縣西南折而東南入武清縣界又東南達天津府之三岔河由直沽入海

按水經沽河從塞外來南過漁陽狐奴縣北西南濕餘水合為沽河又東南至雍奴縣西笥溝又東南至泉州縣與清河合東入於海清河者派河尾也水經注沽水出禦爨鎮西北九十里丹花嶺下

合大谷水出鎮北大谷九泉水導北川左右翼注共成一水故曰九

源注光谷水出鎮城東北光乾溪水北川水入光

沽水有二源南即陽樂水也出且居縣世謂之橫水又謂陽曲河東與舊鹵水合鶴谷水

陽樂水鹵水溫泉陽樂經其東赤城河合陽高峯水合

城人七度水出黃頌谷亦謂漁水出縣東羸山水

出漁陽城南小山入沽又徑安陽重溝水出狐濕

餘水鮑邱水世謂東潞沽水又南徑笥溝雍濕水

俗謂清河泉州縣清湛漳洹易涑沽滹池同歸於

海漢書地理志漁陽沽水出塞外東南至泉州入海行七百五十里元史河渠志白河在灤州東四里北出通州潞縣南入於通州境又東南至香河

縣界又流入於武清縣境達於靜海縣界方輿紀要白河源出宣府龍門所東滴水崖東流入密雲

縣北之石塘嶺過縣西入通州界其支流亦從石塘嶺過懷柔縣西順義縣東入通州東境合焉東南逕灤縣武清東而入直沽合衛河入海明一統志白河自密雲縣與潮河合流至通州入直沽一名白遂河通州志白河兩岸皆白沙不生青草故名順義縣志白河自石塘嶺白馬關入故曰白河赴通州北關濕餘河合卽運糧河諸說不同因詳錄以備考

衛河 畿輔通志卽南運河古清河也源出河南衛輝府輝縣蘇門山東流經新鄉汲縣又東北出濟

縣歷彰德府之內黃合漳入魏縣南界又東經大名縣東南又東北抵府城又東北入山東館陶縣界歷武城縣恩縣入河間府故城縣南又東入山東德州界又東北徑河間府景州東歷吳橋東光交河南皮滄州青縣合滹沱及漳河又東北逕靜海縣西又東北逕天津縣北又東與白河會爲三岔河

按水經淇水出河內隆慮縣西大號山又東過內黃縣南爲白溝屈從縣東北與洹水合又東北過館陶縣北又東北過清淵縣西又東北過廣宗縣

東為清河又東北過東武城縣西又北過廣川縣

東又東過修縣南又東北過東光縣西又東北過

南皮縣西又東北逕浮陽縣西又東北過減邑北

又東北過鄉邑西又東北逕窮河邑西南又東北

過標榆邑入于海又水經注淇水出沮洛山側合

活水壺關縣東金谷水即玷臺西溪會水女臺水羅城三女

臺下淇陽川西流水水出東大嶺下泉源水淇水合西流水下分為二水左

為宛水右為淇水右水至太和合源泉水水有二源一出朝歌與淇左水合為馬溝水又與美溝合

又東南注淇馬溝水美溝清水擇時開白溝通漕時淇水入大河操

於淇水口下大枋木過淇水東北流以便漕其地曰枋頭舊淇水南東流入河其故瀆逕枋城西又

南分二水一南注清水盛北入故天宛水上承

渠山此始矣一逕城南合宛口淇水於元甫城西故五水合流世謂五穴口今通

并為二一水注淇為天井溝一水經五車分為蓼溝入白祠陂宿胥故瀆而

加其陽水淇由此逕內黃洹水白溝逕高城新河

洹水漳水白溝逕羅勒城東城阿難河趙城清淵

支流合漳謂之利漕口阿難河趙城清淵

清淵張甲屯絳故瀆白溝至清淵下為清河黃漳

枝津大河故瀆胡蘇無棣溝東光滹池別瀆皮城東其

會處謂之合浮水合口合河合滹池滹水滹沱

水東注於海清河逕紆姑邑窮河邑至泉州入滹水東注於海清河逕紆姑邑窮河邑至泉州入滹

又按方輿紀要青縣河在城東一里自興濟縣流入境合於滹沱興濟縣河在城西自滄州流經此又北入青縣界滄州河在城西市西橋跨其上其上遊自南皮縣流入境又東北入興濟縣界南皮縣河在縣西二十里自東光縣流入境與交河縣接界又東北流入滄州界餘河渠志不贅

漳河

畿輔通志自河間府交河縣來至杜林鎮與

滹沱合流至青縣南一里鮑家嘴合於衛河其合處曰岔河口亦曰汧河口水勢洶湧濶數十丈

按水經濁漳出上黨長子縣西發鳩山東過淇縣

南從縣東北流注又東過壺關縣北又東過屯留縣潞縣北又東過武安縣又東出山過鄴西縣西又東過列人縣南又東北過斥漳縣南又東北過曲周縣東又東北過鉅鹿縣東又北過堂陽縣西又東北過扶柳縣北又東北過信都縣西又東北過下博縣西又東北過阜城縣東北又東北至昌亭與滹沱河會又東北至樂成陵縣別出北又東北過成縣平縣南合清河又東北過章武縣西又東北過平舒南東入海清漳出上黨沾縣由大屯谷南過縣西又從縣南屈東過涉縣西徑縣南東

至武安縣南黍窖邑入於濁漳又水經注濁漳出

鹿谷與發鳩連麓而在南淮南子謂之發苞山合

陽泉水散蓋水三源同出一水堯水注之梁水南

山陶水出南陶至絳水西出穀遠縣東發鳩

遠縣為濫水至之谷為絳水西出谷

屯留城注漳陳水出發鳩至鞮水出銅鞮縣石

漳入專池水出八持鞮水經之葦池水公主水

榆交水皇后水四水合鞮經潞水潞縣黃須水出

臺西張諱巖涇水出覆鞮山西湯峪水出涇縣西

下南入於漳泉俱會謂之五會涇水東流合湯峪湯峪水山湯谷五

之泉注於涇水涇水白雞水合湯武鄉水出武

武鄉縣故城清谷水出長鞮鞞水白壁水黃水黃

南得清谷水水出長鞮鞞水白壁水黃水黃

漳及交漳口清水即清漳自涉縣東南三戶津三

峽入汗水出武棧津其水上承漳水於邯會邯水

出邯山經邯湟水西門豹史起引漳溉鄴魏武又又

會縣注漳引漳逕銅雀臺下伏流入城東溢水白渠故瀆出

注謂之長明溝出石竇注湟溢水白渠故瀆出

安縣欽口山逕拘潤水俗謂拘河牛首水出邯

邯鄲縣合拘潤拘潤水俗謂拘河牛首水出邯

西堵山東流分為二水入邯鄲城又東出城合成成

一川又東澗而為渚泌入拘潤注白渠又東故瀆瀆

出焉一水東為鷄澤通澗澗湖邯鄲水白渠故瀆瀆

衡漳 是也 衡漳故瀆 逕南曲縣故城又北逕鉅鹿縣絳水發源屯留下亂漳津與漳俱得

通薄落津 漳又歷經縣故城西 衡津 衡漳逕沙邱臺及南宮故

城其水與隅醴通為衡津又有長蘆淫水之名絳水之稱矣今漳水既斷絳水非復纏絡水矣又北

絳瀆出焉今無水絳瀆逕信都城東散入澤 長蘆

諸渚連於廣川縣之張甲故瀆同歸於海 衡水自堰分為二水一逕縣故城西其右水出

石門謂之長蘆長變變引葭之名也斯水右包 唐水之

稱矣 斯浚故瀆大白渠綿蔓水桃水井陘水 徑

桃縣合斯浚首受大白渠首受綿蔓上 百尺溝陽

承桃水逕樂陵合井陘世謂鹿泉水 摩淵

摩淵 白渠東為成即河又東逕宋子縣故城為宋子河又東謂之斯浚水東分二水枝津又出

焉東南流為百尺溝東注衡水斯浚水自枝津東 逕育城北積而為陂謂之陽摩淵二水左納白渠

水俗謂列葭水 白渠泚水經育縣合斯 白馬河 承

之泚水列葭水 浚入衡水列葭水注焉

溇池逕武隧縣 注衡為交津口 張平口故瀆武強淵 瀆上承武強

名北通為石虎口東北為張平澤澤水所汎北決 隄口謂之張刀溝溝北衡謂之張平口亦曰張平

溝 乃合口之虖池故瀆 謂之合口衡漳東北分為二川當其水泚處名曰李

聽渙衡漳至樂成陵縣無別出之瀆縣北 者乃虖池別水虖池故瀆之所經絡也 李聰渙

向氏口溝水 衡漳又東分為二水右出 柏梁槎水 為此溝水自始決入也

上承李聰渙北會桑杜枝津自逕 桑杜溝上承從陂世稱盧達從薄亦 子午潭 從陂

弓高故城注衡漳謂之柏梁口 謂摩訶河東南通清河西北達衡水 陽津溝水 從陂北出分

十里東西六十步子午潭 張淵不流亦謂之桑杜淵 陽津溝水 為二川一川

逕弓高南陽津清水出焉左瀆北入衡 漳謂之陽決口右會陽津謂之陽津口 虖池別瀆 衡漳會別瀆又東北 減水 衡漳注北皮亭至浮陽

西故濊邑也支瀆出焉謂之濊水支水又東注蔡
伏溝又東積而淀一水逕東平舒故城分爲二水
一右出爲淀一北
注虜池謂之濊口清漳合梁榆水
出梁榆水
出大嫌山輅水
出輅
河縣輅山至
栗城注漳
會濁漳入于海

三岔河 畿輔通志在天津縣東北本名三岔口亦

三岔沽衛河西南自靜海來逕縣北而東其流濁
白河西北自順天府武清縣來亦逕縣北而東其
流清各流至縣東北二百步許而合流謂之三岔
河又東南出直沽注于海

淀河 畿輔通志府北五里清河永定子牙之會流
自河頭至丁字沽入北運河長四十里淀水浩淼

至此始有崖岸故名河頭

東淀 畿輔通志廷袤霸州文安武清東安靜海之

境蓋七十二清河之所匯也永定河自西北來子
牙河自西南來咸入之
今永定河
入三角淀

滹沱河 畿輔通志河自河間府獻縣分流經交河

縣抵青縣南七十里杜林鎮與漳河會

按山海經泰戲之山滹沱河水出焉元和郡國志

泰戲一名武夫山在代州繁峙縣東九十里漢書

地理志代郡鹵城滹沱河東至參合入滹沱別支

過郡九行千二百四十里又云禹貢衛水出靈壽

縣東東北入滹沱又云滋水東至新市入滹沱又

云故滹沱在信都縣北東入海又平成縣滹沱河

民曰徒駭又樂城縣滹沱別水首受滹沱河東至

東光入滹沱河又弓高滹沱別水首受滹沱河東

至平舒入海又據元和郡國志滹沱由唐林水在縣東

至崞縣在縣東三百步忻州秀容在縣東十三里太平寰宇記

自秀容入雁門縣南五臺縣東定襄太原孟縣自西

代州五臺縣流鎮州靈壽在縣西南二十里正定南去縣

九門縣西九里藁城去縣二十九里鼓城縣北十里定州深澤

縣南二里無極南去縣二十五里深州鹿城縣西北四里安平

縣南二里饒陽北去縣四十五里又據太平寰宇記由饒陽

河舊在縣南光武所渡處曹操因饒河故瀆決令

北注新溝在今縣北後刺史楊貞改曰清寧河

至瀛州高陽縣東北十四里河間縣南二十里鄭州鄭縣河東

縣南二里至莫金口霸州大城縣北一百三十里文安北

三十里又東溢為趙淀又據畿輔通志交河縣清河

在縣西二十五里漳河支流也流經富莊驛又東

逕縣南六十里張家橋東五里入滹沱俗名清河

頭五代梁趙王鎔李村河俗名土河亦漳水分流

于此運糧餉晉師經交河縣東四十里李村橋合高陽河一作松陽在靈壽西南五里淤泥河

靈壽東北二里亦曰高河高陽流入河間滋河衛

水並見西韓河源出大鳴山自正定縣西北入滹沱方輿紀要韓信伐趙經此改名

天澤所元 卷之六
濺河

出平山縣西北東出行鹿入博陵為木刀溝過石瞳入滹沱

冶河

自平山東北流

入滹沱皆滙滹沱

子牙河

畿輔通志

滄陽河貫寧晉泊出至衡水縣

界滹沱河出焦岡合流經冀州武強獻縣河間青縣大城為子牙河出王家口歸三角淀亦名沿河按子牙河蓋南北泊及滄陽滹沱之尾流也南泊大陸澤也據禹貢大陸既作爾雅十藪晉有大陸尚書正義孫炎曰今鉅鹿北廣阿澤也杜佑大陸在邢趙深三州太平寰宇記廣阿澤一名大陸二名鉅鹿一名大麓一名沃川在鉅鹿西五里東西

二十里南北三十里順德府志謂在任縣東北十里俗名小東湖又名張家泊王原祁大陸澤圖記云九河之水皆滙焉九河為洛沙蔡馬澧達活百泉聖水滄陽九河之外尚有泚沛等八河而滄陽則自穆家口瀉大陸之水經隆平寧晉直下天津自萬曆二十六年漳河溢於滄陽而隆平以下地淺易淤於是滄陽決而東徙大陸之水因從雞爪以東瀉於新決之滄陽通志謂康熙中漳水東徙滄陽自貫北泊而出雍正中開穆家口濬雞爪等溝注之北泊又據通志南泊即大陸澤滙百泉河

未引治河自平井陘水在獲鹿縣西北自井陘縣合綿蔓水一名鹿泉水

山藥城達於凌各陘水去徵水井陘縣東北綿蔓水源出山西平

定州與甘桃水逕桑牛縣合綿蔓水龍潭灣在藥城西北濟

水房山東流至慶沛水在高邑縣南一名漕水或

水陶入泚此別一狗跑泉在臨城北猪龍河元氏縣北源自山

里間井陘縣東並滙南泊由穆家口及雞瓜等北

瀉又據通志有牛家河漳水支流由四周縣洛河

共源有二一自邯鄲縣西藺家河一自縣西南漳

閻家河並出紫山合而為洛經縣南五里入滄漳

河故道有二在順德洛河出武安縣西北三門山

洛合流沙河縣隅水俗各沙河小漳河滄陽

為鷄澤沙河與洛河合為沙洛河

由永年縣至任之沁河有二源一自邯鄲縣西北

劉累河南注沙洛巖崙河一自縣西北照河

皆出紫山合而為沁東入滄明輸龍河洛河支流

勝志渚沁二河右牛首水也泥河在磁州二源在本澗

沁賀蘭河出賀蘭山在泥河村沙原橋西入滄澗

水在磁州北源出河口羊渠河之西磁州西南入滄澗

牝牛河在磁州北其源有二一出蔣村為北河

河出林垣舖為南河至落子村合流東入滄

余岔河肥鄉西北明鑿五瓜渠磁州西明引玉

泉池磁州西賈葛潭廣平府城西受邯鄲廣盛泉

磁州西南神落漢水即古博洛津在平鄉西凡十

九水俱入滄陽河通志在平鄉縣東七里自廣平

又北逕趙州隆平縣至晉寧縣合漳河亦名滄水

源出磁州神麇山東北流逕邯鄲縣東三里會渚

沁二水清河又名塔水在邯鄲縣南五里發源紫
 山徑城西南入滏陽河寰宇記滏陽縣滏水源自
 縣西西北鼓山南砦下泉源沸若釜之揚湯故以
 滏口名之其水冬溫夏冷元史郭守敬傳守敬面
 陳水利四事其四磁州東北滏漳二水合流處引
 水由滏陽邯鄲洛州永年下經鷄澤合入滏河可
 灌田三千餘頃明外史河渠志滏陽河舊在任縣
 新店村東北源出磁州徑永年曲州平鄉至穆家
 口會百泉等河北流明永樂間漳河決而與合二
 水每並為患至景泰間又合漳衝曲州諸縣沿河
 之地皆築隄脩之成化間舊於衝新店西南為新
 河合沙洛等河入穆家口亦築隄備之一統志舊
 滏陽河在雞澤縣西自永年通水開北流徑此又
 北達平鄉縣入寧晉泊舊道紆曲不能容常決為
 民患本朝康熙七年知縣婁照挑滏河以遣其
 流自馮鄭村至亭自頭長二里許六方等村永無
 木貫寧晉泊即北泊也一名胡盧河在寧晉縣東
 害南自滏池南徙由賈家口而入淤塞
 滏河故道故衝決洩口等村雍正平縣之堯
 正二年滏池南徙泊水始得洩

山至隆平程塞沙河沙河支流也一日新槐武河
 沙河別流亦曰老僧河在隆平縣東祖泉出唐山
 沙河注寧晉泊北入槐武入老僧河並注之下抵冀州合滏沱新漳入獻縣
 完固口分為二支一入臧家橋一入大城縣界為
 沿河又東北流至縣東南四呈口合黑龍港河亦
 名交河北折逕于牙村為子牙河逕王家口又分
 為二一西北流出新挑河一北迤東出王慶坨入
 東淀自王家口而上西至大城東接靜海兩岸皆
 有大堤也於是東淀合三河由淀河至天津北五
 里注三角淀合北運河至直沽同衛水入海

浮河 畿輔通志在滄州東南五十四里自河間府

東光縣東北流逕州界又東逕鹽山縣東入於海

太平寰宇記浮河自東光縣從永濟渠分流東北

逕滄州南十里又東北逕州東一里又東北入海

滄州志浮河在舊城南十里東北入海漢於此置

縣以在浮之陽故名浮陽鹽山縣志在縣東百里

自滄州入縣境達海

按水經注浮水故瀆首受清河于浮陽縣界東北

逕高城縣之宛鄉城北又東逕章武縣故城又東

逕篋山北又東北逕柳縣故城南又東北逕漢武

帝望海臺又東注於海又方輿紀要云在滄州東

南五十里舊志云在清池縣南二十里漢時自大

河分流東北出經浮陽縣南又東北流入海今自

東光縣南界之永濟渠分流而東北下流亦注於

海史記趙之南界有浮水即此河矣

黑龍港河 畿輔通志在青縣西十五里與馬家橋

河胡家店河至縣北十五里空城村匯而為一至

大城縣入子牙河

清河 湛河 泗河 畿輔通志在青縣西南五十

里三河皆無源北至杈河口南二十里魚兒莊注

南淀

按河間府志三河俱在縣南皆交河雨潦洩水之渠也一有水患東西相連漫無堤岸一年有水數載汪洋明季士民呈請減征有錄存焉

獨流河 方輿紀要在青縣北 詳古蹟志

馬家橋河 青縣志在縣西八里

胡家店河 青縣志在縣西十里

小南河 方輿紀要靜海縣北五十里為楊柳青又十里為黑堡城又十里為小南湖又十里為小直沽

按宋史地理志作河後訛為湖畿輔通志在靜海縣西自河間府河間縣流經此與

赤龍河 靜海縣志在縣北以下諸河但存其渠旱則水落澇則一望無際

寬河 靜海縣志在靜海縣東

土河 方輿紀要在靜海縣南二十五里其上流自山東德州經德平縣西北流入境內相傳即古篤馬河又東流入山東樂陵縣界

遲河 流河 方輿紀要俱在靜海縣東四十里入土河謂之渡口

牛郎河

靜海縣志在縣西

九女河

靜海縣志在城東七十里劉氏九女修行

後終合葬一塚有九女塚

按長蘆鹽法志云九乃女之行派非真有九女也

近是又畿輔通志云在滄州東七十里

九里河

明溝河

畿輔通志在滄州西

按滄州志有會寧河謂出金史考金地理志會寧

河在樂陵非今州境也刪之

減水河

畿輔通志有二一自順天府武清縣楊村

北流至天津縣東南張家嘴入直沽此洩潞河之

水者也一自滄州南流至天津縣大直沽渡入直

沽此洩衛河之水者也舊志一在滄州南十五里

曰磚河一在青縣南故興濟縣曰興濟河皆明弘

治中開以洩衛河泛溢之水

毛河

畿輔通志在滄州南即屯氏河之訛也漢書

師古注隋室分析州縣誤屯氏為毛氏乃置毛州

失之甚矣太平寰宇記毛河在清池縣西南又入

鹽山界又呼為棣河方輿紀要在州西南五十七

里亦名屯氏河

餘詳古蹟志又屯氏
小河在鹽山南十步

天津府志 卷之六 水

永濟河 河間府志在南皮半壁店北

王莽河

南皮縣志即馬頰今可疏濬以洩東南之

水

銀鈎河

南皮縣志即鈎盤可疏濬以洩城西之水

獻河

河間府志在慶雲縣南三十里岸南有龍王

廟

畿輔通志一名陷河即河間府寧津縣土河之

下流經山東樂陵縣流入縣西北境之水多滙於

此又東經山東海豐縣注於海

紀家河

畿輔通志在慶雲縣南五里又义河在縣

南三里下流俱注於鬲河

無棣河

畿輔通志在滄州及南皮鹽山慶雲之南

亦名無棣溝

詳古蹟志

按水經注清河自東光又東北無棣溝出焉東逕

南皮縣故城南又東逕樂亭北又東逕新鄉城北

又東分爲二瀆又東逕樂陵郡北又東屈而北入

又東轉逕宛鄉故城南又東南逕高城縣故城南

與枝瀆合瀆上承無棣溝南逕樂陵郡西又東南

逕千童縣故城東枝瀆又東南屈東北注無棣溝

又東北逕鹽山東北入海

西沽

畿輔通志在天津縣東北自順天府武清納

三角淀之水與白河會而入于直沽方輿紀要河形如丁字故又名丁字沽有渡曰丁字沽渡

葛沽 畿輔通志在天津縣東六十里相近有大沽

明天順初開以通薊州運道者也亦曰新河

小直沽 畿輔通志在縣東南方輿紀要小直沽即

宋泥沽也

大直沽 方輿紀要在天津縣東南十里小直沽受

群川之流大直沽又在其東南地勢平行群流漲溢茫無涯涘故有大直沽之名

鹹水沽 畿輔通志在天津縣東南六十里即古豆

子航也 詳名古蹟

明月沽 畿輔通志在慶雲縣東北七十里東接馬

谷山瀕海煮鹽處也

塌河淀 畿輔通志在天津縣東北四十里

大連淀 畿輔通志在滄州齊乘滄州南有大連淀

詳古蹟志九河故道下

邱淀 南皮縣志在縣東北四十里俗呼為蔡家窪

凡河口水出皆聚此東洩

劈地口 方輿紀要在小直沽東 詳古蹟志

大沽口 明一統志河流入海處兩岸壁陡一域中

橫土人謂之海門潮汐所至北抵楊村南抵程官屯西過王慶坨率二百餘里皆淡水也鹹湖抵海門而止無空入者若天設之以限內外斯亦奇矣

河間府志海口一名海岫

柳口 靜海縣志在城北四十五里河間府志即楊

柳青

馬家口 畿輔通志在天津縣東南洩南淀之水又寇

家口在縣十里

賈家口 靜海縣志在衛河西

孟家口 河間府志在滄州見宋史河渠志

八會口 畿輔通志在慶雲縣北

按方輿紀要云八會口在獻縣北水流交會處也

自滄州大連淀南至獻縣百餘里有大河沙河皆

會流於此合於滎河即獻河也

信安灣 方輿紀要在天津縣西北即漕河曲折處

也詳古蹟志

尹兒灣 畿輔通志在天津縣東詳古蹟志

黑龍灣 河間府志在鹽山縣南十八里秋夏積水

成川有土臺高丈許上建龍王廟歲旱禱雨多應

方輿紀要在靜海縣北二十里自景州吳橋縣流

入亦名谷家河東南入土河

薩摩陂 畿輔通志在滄州北元和郡國志陂在長

蘆縣北十五里周五十里有蒲魚之利

古平魯渠 畿輔通志在滄州北元和郡國志渠在

魯城縣郭內魏武北伐時所開太平寰宇記在廢

乾符縣南二百步

劉公渠 河間府志在鹽山縣南有燕子口窪水盈

汜濫邑土受淹又安陵河口一開為害尤甚明萬

曆間知縣劉子誠相度地勢於邑南開掘成渠道

水歸海民受其利迄今日久壅塞雨水驟集禾稼

受淹批濬勢不可緩至於近渠奸民阻決自便稽

察宜嚴

盤古溝 畿輔通志在青縣南元豐九域志乾寧軍

有盤古溝水深三丈大旱不涸

西灤 河間府志在青縣東南橫亘十里餘南北尤

長秋後水漲多魚鱉蒲蘆之利

大浪泊 滄州志在州治東

三塘泊 河間府志在滄州北

雍奴水 天津衛志三角淀在武清縣南周二百里

或云即古雍奴水方輿紀要水經注四面有水曰

天津府志 卷之六
雍不流曰奴其源曰范甕口王慶沱河掘河越深
河劉道口魚兒里河諸水皆聚於此東會於直沽
入海一名筍溝水

按天津縣境西北至安光村四十里村臨三角淀
則淀當在武清天津接壤之境始依衛志存之

毛公井

河間府志在舊滄州東北隅

詳古蹟志

寒冰井

畿輔通志在南皮縣西一里

詳古蹟志

古盆井

河間府志相傳為傳說所築其形如覆盆

又名覆盆

詳古蹟志

按古盆井在南皮縣五龍岡下

天津府志卷之六

終

天津府志卷之七

城池公署志

城郭爲商詩肇域之舊公署爲周禮設官之遺以
衛兆姓以居百僚分疆畫土之方此爲首務矧以
三輔名區爲中外要地則所係尤重矣自雍正間
改縣設郡百度更新守土之司文武衆盛干城之
選榱棟之材悉萃於此而百雉正崇廨宇斯闢百
官萬民具得寧阜則城郭公署皆托

聖人之宇矣用詳其因創各制以示

聖朝作民極之盛典焉志城池公署

城池

天津府 天津縣附郭

府城 城垣九里十三步高三丈五尺開設四門門

上建樓東去潞河二百二十步北抵衛河二百步

明永樂中工部尙書黃福平江伯陳瑄都指揮僉

事凌雲指揮同知黃綱築城浚池民有賽淮安城

之說都指揮陳遠在鎮用磚包砌遞年始完萬

十四年寢壞天津道副使王來貴重修

國朝順治十年大水滄城坍塌二面總兵甘應詳副使

梁應元重修康熙十三年總鎮趙良棟因城樓內

藏火藥深為不便令民居逼近城墻者盡行折毀

離城三丈改築乃濬四面城壕永禁填塞城東南

角石閘一座引海河潮水週城四面由南城水門

入城水門上有引汲受福四字 石閘歲久坍塌乾隆二年知府程鳳

文重修以時啓開明崇禎十二年城外原撥民地

建砲臺七座至是各臺撥兵十名防守雍正三年

城濠皆壞巡鹽御史莽鵠立題請商人安尙義安

岐父子情願捐修奉

旨俞允仍令同城官實心幫助就舊基築城濬壕城周

圍一千六百二十六丈六尺垣高一丈九尺八寸

梁高四尺二寸共高二丈四尺基廣三丈二尺上

廣一丈九尺共計梁一千四百五十有四東西長五百零

四丈計二里八分南北長三百一十五丈計一里八分周圍九里二分東去海河二

百二十步北抵衛河二百步舊城四門有樓舊額

曰鎮東曰定安曰安西曰拱北康熙十三年改曰

東連滄海南達江淮西引太行北拱神京四角有

樓其東南角樓卽魁星樓也新城四門東曰鎮海

南曰歸極北曰帶河西門奉

旨賜名衛安

水師營新城

畿輔通志在海口蘆家嘴周圍土坯

城墻南北二百二十六丈東西二百六十丈

青縣城

河間府志宋析永安縣置土城周圍五里

高二丈五尺池闊三丈深一丈明成化丙戌知縣

唐振重修正德辛未知縣張大鳴值寇亂增葺城

堞民賴以安甲戌知縣劉繹復加修葺城厚二丈

高深俱增於舊足爲一方之藉云青縣志門凡三

東曰通濟南曰清寧西曰嘉靖丙辰知縣劉琨重

修崇禎十三年知縣馬玉增修四角砲臺三甕

靜海縣城

靜海縣志土城周圍六里高二丈五尺

池闊一丈其建置遠不可考今惟據現在基址周

圖三里奇一百八十五步高一丈五尺池周圍三里六分闊二丈八尺深七尺城門三南曰聚奎北曰拱辰西曰觀淵俱磚甃門各有樓南北有重門西門有板橋東城有樓無門計環一千二百三十二堵創建無考今俱傾圮

城外墩臺五座

滄州城

畿輔通志明永樂初自舊滄州遷今州治

天順五年知州賈忠始築磚城周圍八里高二丈五尺廣二丈五尺門五池深一丈五尺闊四丈五尺嘉靖間知州賈希周萬間知州盧廷選俱重修滄州志舊城在今城東四十里明永樂初遷於

長蘆是為今城城周圍八里計一千三百五十五丈高二丈五尺闊三丈六尺梁口二千一百六十六面崇禎中知州吳襄重修時併梁一半加高三尺今俱頽壞城門共五座各建歇山轉角重樓於上南曰阜民北曰拱極東曰鎮海西曰望瀛小南門曰迎薰又艮巽二隅角樓二座今迎薰門樓燬餘俱頽壞城壕闊四丈五尺深一丈五尺五門俱有吊橋城內脚下空闊五步為馬道周圍相通以備不虞崇禎中知州羅燝於城外艮巽二方各建炮臺一座今艮隅砲臺頽壞

南皮縣城 南皮縣志 城土築高二丈一尺闊二丈

周圍八百九丈二尺五寸城門四各有樓東曰觀

海南曰控齊西曰臨漕北曰朝京四隅各有角臺

東西面有腰臺四各有樓池深一丈闊二丈各門

皆跨以橋肇建年代莫考嘉靖二十五年知縣李

逢重修萬曆二十五年以備倭議加磚甃知縣李

正華以財力不足止之河間府志四十二年知縣

徐殷繕築城垣二千三百丈磚甃東門建東南城

樓二座南皮縣志崇禎九年知縣簡仁瑞增建甕

城重門易梁口各臺以磚

鹽山縣城 畿輔通志 原在大流里明洪武九年知

縣吳文靖移於今治 河間府志移於香魚館 成化二年知縣

武震增築周圍八里高二丈五尺廣二丈門三無

北門池深一丈闊三丈弘治間知縣喻嶽張暘增

修萬曆間知縣劉子誠增闢小南門後又濬池達

劉公渠

國朝康熙九年知縣朱鸞鷺重修濬池深闊各一丈五

尺

慶雲縣城 畿輔通志 周圍四里高二丈五尺廣一

丈池深一丈闊二丈慶雲縣志城三門東曰迎春

西曰迎恩南曰迎薰俱衣以鐵護以甕城舊在扁
津東南爲無棣舊志元至元間齊珪重築元末毀
於兵燹明洪武六年知縣楊思義移治扁津北岸
草創城垣建立四門以邑小門多不便守禦旋塞
南北二門其後坍塌成化二年知縣張彪築之四
門東曰瞻岱西曰拱辰北曰望海南曰觀瀾建角
樓四座仍閉南北二門河間府志正德二年典史
商孜重修四年知縣孫輔復拓而新之又增陴隍
城上設警鋪慶雲縣志知縣蔡維藩建樓櫓四座
氣象雄峙知縣解汶於東西二門刻石爲扁東改

歸德嘉靖元年知縣馬馴始開南門改觀瀾爲永
定二十五年知縣杜爵築將臺萬 五年知縣柯
一泉塞南門建樓於東南城上曰化龍樓萬 九
年知縣王三益以離明地不可塞復開南門萬曆
三十一年知縣馬任仁易三門今名修磚女牆崇
禎七年知縣李扶修磚角樓磚將臺堞樓巍然可
觀崇禎十三年知縣宣廷式重修南門樓明末傾
圮

國朝順治十一年知縣張碩抱修西城門未建門樓康
熙十年知縣李居一補葺樓堞修濬城濠於北城

建真武廟康熙二十七年知縣黃鎮整理女牆補葺坍塌復設警舖析鈴康熙三十五年生員劉元宰修臨津樓即南城門樓也

公署

天津府

天津縣附郭

萬壽亭 在北門內只家衚衕迤東大殿三間朝房六間外宮門三間朝房十間影壁一座牌樓二座周圍墻垣六十丈餘

朝賀行禮宣講

聖諭廣訓於此雍正八年鹽院鄭禪寶題請捐修

皇船塢

長蘆鹽法志船塢在天津開口三里水園

御用龍舟貯於此塢內房屋六十七間水砲二座圍墻

一百二十丈自康熙五十二年始歷年修葺向係

鹽院衙門經管雍正元年五月鹽臣莽鵠立蒞任

恭請

聖訓口奏船塢事欽奉

上諭水園所用皇船苫蓋修飾等項係坐糧廳所司之事

朕另下旨意交給坐糧廳辦理永為遵行

總督河道都察院公署

在東門內大街向為天津

道署乾隆二年改建

照墻一座兩旁鹿角木 東西轅門二座 旗竿臺二座

獅子一對 大門三間兩旁八字墻 東角門一座 効力官廳二間 號房一間 文官廳三間 巡捕官廳二間 西角門一座 軍牢房一間 夜役房一間 皂隸房十間 武官廳三間 賚奏廳二間 東西圍墻各一座 東西大門 班房各一間 儀門三間 東西大門各一座 牌坊一座 東西科班房各七間 大堂五間 穿堂五間 二堂五間 東西廂房六間 三堂五間 東西廂房六間 土地祠三間 馬神廟一座 馬夫房二間 馬棚一處 科房十四間 募賓房二十六間 箭亭三間 廚房三間 羣房九間 東西更房兩處 轎夫房十間 樓十間

巡按鹽課察院公署 長蘆鹽法志向在

京師宣武門外出巡天津滄州山東皆設有館廨其天

津公署向係原裁戶部餉司衙門商人修葺為御

史巡行之廨自康熙元年河西務鈔關移駐天津

還之二年御史張冲翼及各官商人公捐建造公

署於天津河北舊餉道衙門基址七年駐劄天津

共計房一百一十二間 照壁一座 東西轅門

臺二座 大門三間 儀門三間 大堂五間 抱厦三間 二堂三間 三堂三間 環水樓三

間 樓下房三間 廂房六間 公所五間在東 轅門外 巡捕廳三間在公所東 書院六間在

巡捕廳東 賚奏廳八間在西轅門外 號房二 間在大門東西首 寅賓館三間在二門東院

關帝廟三間在二門西院 皂快房六間在大堂 前 吏廳三間在二堂西院 科房六間在二堂

後 住房十四間在環水樓東首 書房三間在 環水樓西 廚房三間在書房後 箭亭三間在

羣房十四間

天津鈔關公署 在戶部街前大門儀門大堂二堂
三堂後樓凡六層左右廂房耳房關房土地祠書
役各房共計八十間而監放船隻口收錢糧則在
河北甘露寺之東偏設有官廳本關稅口凡十有
二曰苑口曰東安曰三河曰王擺曰張灣曰河西
務曰楊村曰蒙蔡村曰永清曰獨流曰海下曰楊
家坨又稽查之口凡七日西沽曰東沽曰西馬頭
曰東馬頭曰楊柳青曰稍直口曰三岔河
水師營都統公署 畿輔通志在蘆家嘴新城雍正
五年建照牆轅門鼓吹棚大門儀門官廳解廳六

堂二堂住宅共七十六間

協領六員衙署 各十八間

佐領三十二員衙署 各十五間

防禦三十二員衙署 各八間

驍騎校三十二員衙署 各六間

筆帖式三員衙署 各三間

領催一百二十八名 前鋒一百名 披甲一千

七百七十二名

房各二間

砲甲一百四十四名

房宇間數

未詳

理事同知公署

共二十二間
又獄房六間

天津府志 卷之一
原建教習頭等侍衛蔡勇衙署 共十間

原建教習林全衙署 共十五間今收貯兵器

火攻營一座 雍正六年設製造水旱火藥 瓦房十二間

土房十二間

天津鎮總兵官公署 在鐘鼓樓西大街 照壁一座東西轅門

牌坊一座 鼓吹棚東西二座 東西旗杆臺四座 東西材官廳十間 東西吏房三間 東西

旗牌房三間 大門三間 土地祠三間 井神祠三間 軍牢房三間 儀門三間 東西科房

十間 大堂五間 內官廳三間 二堂三間 東西廂房六間 中書房三間

內書房五間 三堂三間 東西廂房六間 樓房上下十間 東西廂房六間 板房三間 羣

房三十間 大門東官廳五間 大門一座 轎夫舖兵更夫炮門西箭亭三間 大門一座

手房三間半

左營遊擊公署 在府城神機庫汛地後

右營遊擊公署 在滄州磚河

右營守備公署 在神機庫汛地後迤西

大沽營遊擊公署 在大沽

大沽營守備公署 在葛沽

城守營都司公署 在武廟迤東

按總河中軍守備城守營千總天津北馬頭把總

左營存津把總各公署俱賃居民房

分巡天津河道公署 在西門內原天津同知公署

雍正十年改建 照牆一座 旗杆二座 鼓棚二座 大門三間 大班房六間 大門東門吏房一間 轎夫房一間 東關聖

一間 官廳三間 西班房六間 班房各一間 東關聖 二門三間 東西角門 大堂前皂隸房東西

共六間 西土地祠三間 大堂西南科房十六間 大堂五間 二堂西大書房三間 西廂房三間 二堂五間

二堂西小書房六間 三堂五間 東西廂房六 間 後堂五間 又東西各三間 又東西廂房

各三間 西書房三間 西廂房二間 又東書 廳三間 東廳後層書房三間 又東西廂房

東箭道馬棚二間 馬夫房一間 按後堂五間至東廳後層書房三間共二十九間

乾隆三年天津道陳弘謀捐建 長蘆鹽運使司公署 向在滄州新城內西南隅臨

南薰門左倚察院右接運判康熙十六年因告運 商人共捐銀買津民班鐸房一所建為運司公署

商人共捐銀買津民班鐸房一所建為運司公署

至天津賃民房以居康熙二十七年運司任璣及

商人居北者衆運司隸滄州未便督催引課遂移

在天津城內鼓樓東街向北共計房二百一十二

間 照牆一座 東西轅門 東西旗杆臺 馬快

房三間 軍牢房二間 大門三間 快手房 一間 皂隸房一間 銀房三間 寅賓館三間

公所三間 土地祠三間以上俱在大門內 儀門三間 角門二間 儀門內左右科房各七

間 門役房一間 茶房一間 贊政廳二間 家丁房二間 大堂五間 抱厦三間 大堂後

東西廂房各三間 二堂五間 四屏堂三間在 二堂後向南 東書房二間 幕賓房九間 在

四屏堂東首 住房十七間 在四屏堂前西 住房院內東西廂房各五間 樓房五間 厨

房六間 腰房十二間 周圍羣房八十二間

天津府知府公署 在大儀門西舊衛署雍正十二

年照牆一座 大門三間 官廳三間 門吏

地祠三間 文昌祠三間 道人房一間 儀門

三間 東西科房二十二間 大堂五間 抱厦

三間 更夫房二間 大堂後房六間 二堂五

間 三堂五間 三堂前東西廂房各二間 乾隆

元年知府程鳳文捐建 後正樓房上下十間 建

署時知府李梅賓捐建 二堂東官廳三間 西廂

房三間 乾隆元年知府程鳳文捐建 書房三間

西官廳三間 書房三間 廚房五間 更房

一間 西首馬棚二 廚房五間 更房

一間 馬夫房一間

天津府經歷司公署 在府署東 共十八間 又府

西經歷司兼轄

天津海防清軍同知公署 在大儀門西係入官房

改建 大門三間 二門三間 角門三間 大堂

三間 二堂三間 住房三間 廂房七間

下房三間 廚房三間 科房班房七間 廂房

六間 馬棚三間 馬夫房一間 更夫房一間

青州分司公署 在東門外迤南 照牆一座 牌坊

儀門三間 大堂三間 二堂三間 大門三間

間 書房六間 宅門一間 後樓三間 廊房

六間 班房四間 寅賓館三間 公所三間

土地祠一所 書吏房九間 門役房一間 羣

房四十 六間

按長蘆鹽法志與國場大使署在本場今廢

天津縣知縣公署 卽倉廩基址雍正十二年建

一座 大門三間 儀門角門三間 東西科房

二十間 班房共八間 土地祠三間 大堂五

間 二堂三間 三堂共九間 東簽押房四座

共十二間 西幕賓房三座共九間 文昌閣三

天津府知府公署 在大儀門西舊衛署雍正十二

年照牆一座 大門三間 官廳三間 門吏

地祠三間 文昌祠三間 道人房一間 儀門

三間 東西科房二十二間 大堂五間 抱厦

三間 更夫房二間 大堂後房六間 二堂五

間 三堂五間 三堂前東西廂房各二間乾隆

元年知府程鳳文捐建 後正樓房上下十間建

署時知府李梅賓捐建 二堂東官廳三間西廂

房三間乾隆元年知府程鳳文捐建 書房三間

西官廳三間 書房三間 廚房五間 更房

一間 西首馬棚二 廚房五間 更房

一間 馬夫房一間

天津府經歷司公署 在府署東 共十八間 又府

西經歷司兼轄

天津海防清軍同知公署 在大儀門西係入官房

改建 大門三間 二門三間 角門三間 大堂

三間 二堂三間 住房三間 廂房七間

下房三間 廚房三間 科房班房七間 廂房

六間 馬棚三間 馬夫房一間 更夫房一間

青州分司公署 在東門外迤南 照牆一座 牌坊

儀門三間 大堂三間 二堂三間 大門三間

間 書房六間 宅門一間 後樓三間 廊房

按長蘆鹽法志興國場大使署在本場今廢

天津縣知縣公署 卽倉廩基址雍正十二年建

照牆一座 大門三間 儀門角門三間 東西科房

二十間 班房共八間 土地祠三間 大堂五

間 二堂三間 三堂共九間 東簽押房四座

共十二間 西幕賓房三座共九間 文昌閣三

問在縣署大門東知縣徐而發
建 縣監一十九間在縣署東

北倉大使公署 在北倉 倉廩四十八座共二百四十間雍正二年建

按鹽運使經歷知事及天津縣縣丞鹽道庫官北

批驗所左所千總楊青驛丞西沽巡檢葛沽巡檢

富國豐財二場大使各公署俱賃居民房

校士館 雍正十一年鹽院鄂禮捐俸創建同城職

官并鄉紳商綱悉有捐資在東門內南隅 照牆一座

西轅門二座 東西鼓吹棚二座 大門三間

東官廳三間 西馬棚三間 馬夫房一間

三間 東西考棚十八間 大堂五間 捲棚

三間 東西皂班房二間 穿堂三間 二堂五

問 三堂五間 書辦房三間 承

差房三間 下房共二十三間

演武場 舊建在東門外康熙十三年移建西門外

西北隅 演武廳五間 周圍花牆 正面牌坊一

座 東西牌坊各一座 將臺一座 旗

纛廟一座 演武廳東 旗杆一對 關帝廟

一座 演武廳後 火禮廟一座 演武廳東

皇華亭三間 在北馬頭

館驛樓 天津衛志在北門外有海門重鎮畿輔要

津區鄉會賓興在此

督漕亭三間 在河北稅館東

育黎堂 在西門外

孤貧院 在河東

青縣

龍亭 在廣福樓村康熙三十九年以子牙河工成建

知縣公署 河間府志原在舊土城東衛河西岸去

城一里明洪武間知州李敬創建改州為縣永樂

間知縣曹繼重建正統間知縣韓預成化乙未知

縣蘇俊俱重修隆慶戊辰知縣李鎬移建城內

正堂一所 寅賓館 戒石亭 鑿駕 庫 儲積庫 旌善亭 申明亭

管河主簿署 在縣北流河鎮

運河主簿署 在縣治東

典史署 在縣治內

興濟巡檢司署 在縣治南

乾寧驛署 在廢興濟縣乾隆二年建

流河驛署 舊在縣東北衛河西岸久廢明永樂

年知縣孫安改造復廢

國朝乾隆三年重建

陰陽學 醫學 俱在縣西

僧會司 在縣治西觀音寺內

察院 一在城內知縣潘榛建一在城外知縣聶世

潤建

倉廩 在縣署東

按縣舊有預備倉明成化二年知縣劉素移建城

內建倉廩六十餘間積穀五萬餘石凶歲民賴以濟邑人知府李佐撰有碑記

養濟院 育嬰堂 俱在城南

按青縣汛把總駐城外興濟汛馬廠汛各把總俱駐汛地無署

靜海縣

知縣公署 在城內西北永樂元年建宣德九年知

縣劉弁重修

大門三間 儀門一座

大堂二間 庫樓一座

戒石亭 申明亭

旌善亭

堂後東西耳房各一間

二堂三間

正住房三間

東住房三間

西廚房三間

西六房共二十間

寅賓館

三間

土地祠

獄神祠

主簿署 在縣治東

子牙河主簿署 在縣西南子牙鎮

典史署 在縣治內

奉新驛署

在縣城外

以上四署賃居民屋見在詳建

陰陽學 醫學 俱在縣治南

僧會司 在縣治北觀音寺內

稅課局 在縣北獨流鎮

察院 一在縣治北一在縣治南

府館 在縣治東

倉廩 在縣署大門東雍正六年建

共二十間

按四黨口汛守備唐官屯汛把總陳官屯汛把總中所管唐官屯千總各駐汛地俱未有署

滄州

知州公署

河間府志原在舊滄州相距今治四十

里明洪武元年遷州於長蘆衛河之東天順六年

知州賈忠於城東北隅創建滄州志正德六年土

寇許普等攻城燬州治已卯知州邵紀重修

大門

屏墻石獅

儀門東西角門各一座

洪龔堂即

大堂明嘉靖甲午知州吳成禮重修萬

丙戌知州張與行重建

東西六房知州張與行又建大

戶房於儀門外左右

二堂

庫樓明隆慶二年知州院

自嵩建於堂左

二堂

聽棠樓在二堂左側

廂房 後 房 馬廄

按滄州志稱州治舊有龍亭庫續蘇亭贊政廳中

明亭旌善亭寅賓館今俱廢

通判署 在小南門外

滄州分司署 在小南門內

州判署 在州治西

吏目署 在州治西

南批驗所署 在州西門外撥夫廠臨河右毘盧菴

左蕭曹廟康熙十一年重建共房十六間

磚河驛署 在城南十五里

孟村巡檢署

李村巡檢署 與上俱在本鎮

陰陽學 醫學 在州治南

僧正司 道正司

察院 在州治東南

城守尉署

驍騎校署

先斯院 在南關

鐘鼓樓 一名鳴遠樓明弘治甲子知州馬魁重修

嘉靖丙午知州伍希張改建州治東南今頽

倉廩 在州治西南

鹽廩 在水月寺西逼臨河許每遇掣鹽人如蟻聚

養濟院 在治東

按滄州舊有管河廳管馬廳清軍廳遞運所撥夫

廠稅課司巡檢司守禦所東察院太僕行寺官廳

府館預備倉通濟廩演武場等廨宇俱廢又長蘆

鹽法志稱運使公署向在滄州新城內西南隅臨

南薰門左接察院右接運判康熙十六年移天津

滄州分司公署向在海豐場後移新城內運司公

署左崇禎十年運判俞向葵建共房七十餘間經

天津府志 卷之十一
歷知事庫大使公署今俱移天津嚴鎮利民兩場
大使各駐本場又提營冊滄州汎千總在滄州城
外嚴鎮汎把總在同居鎮舊滄州汎把總在舊城
俱未有署

南皮縣

知縣公署

南皮縣志在縣西街北河間府志永樂

元年知縣高崑建二十二年知縣張麟重修南皮

縣志萬二十四年知縣李正華增葺崇禎四年

知縣藍再茂重修

大堂 東西有耳房 戒石坊
堂左為鑾駕庫 右為贊政

廳 東西為六曹房
為寅賓館 西為獄

大門 東為土地祠 前
東為譙樓 二堂 左為

庫樓

有申明亭旌善亭二座

在縣門左右

北為內衙 又舊

典史署

在縣治內

陰陽學

在縣治東明宣德二年知縣任牧重修

醫學

在縣治南內有惠民藥局

僧會司

在興化寺內

察院

在縣東北明宣德元年知縣張麟建正德元

年知縣張備重修

府館

在縣治東北明弘治十二年通判何俊勅造

養濟院

在縣治東

按南皮汎薛家窩汎馮家汎各把總並駐汎地俱

未有署

鹽山縣

知縣公署

畿輔通志在城內正中明洪武九年建

國朝康熙五年知縣朱鸞鸞增修河間府志舊以縣治

僻在一隅乃自大留里移治於香魚館即今縣治

大堂名牧愛堂

二堂

後為宅門

三堂三間

後房五間

西側房三間

東為簡敬齋三間

後為蓄愛樓五間

左為支

更樓上下三層

東廂房五間

按鹽山縣志大堂名牧愛堂創建年月無考明萬

曆十年知縣許言時重修堂後為二堂名泰來堂

崇禎十三年知縣李雲程修牧愛堂後泰來堂前

為川堂牧愛堂左為庫樓明嘉靖三年知縣張思

溫建牧愛堂南為儀門右為獄三間儀門之外左

為土地祠三間祠之東為倉三間今以羈輕犯

國朝康熙五年丙午知縣朱鸞鸞捐貲於牧愛堂之左

右建六曹吏房六間儀門外建糧房三間又重建

譙樓三間設鐘鼓於內大堂前書御箴又鹽山縣

續志稱舊志載儀門右有走遞馬廐十二間左有

寅賓館三間牧愛堂之前有戒石坊堂右有蓮幕

廳一間今庫樓之前舊有儀仗庫庫房各三間大

堂前東有舖長司二間西有承發司架閣庫馬科

各二間縣丞廨在堂東主簿廨在堂西管馬主簿廨在儀仗庫東典史廨初在儀門東後改徙管馬主簿廨吏舍二十間在儀仗庫後大門西有旌善亭東有申明亭陰陽學醫學各三間以上諸制今俱圯廢無存簡敬齋東廂房及更樓俱知縣朱鸞鶯捐俸建大門儀門六房乾隆元年知縣王茂忠重修戒石坊久廢乾隆二年知縣任弘業捐俸重建

典史署 在縣治內

陰陽學 醫學 在縣治東

察院 在縣治東大街之北今圯

倉廩 在縣治內東西共十五間

國朝雍正十一年知縣何其慧修

養濟院 在城內近西北隅

按河間府志載鹽山舊有河泊所預備倉官草廩僧會司太僕分寺府館等廨宇今俱廢又按長蘆鹽法志稱阜民利國海豐富民阜民五場大使各駐本場惟阜民富民阜財三場有署又查鹽山汛千總駐縣城羊兒莊汛千總韓村汛高家灣外委各駐汛地未據有署

慶雲縣

知縣公署

慶雲縣志邑治在迎春門內洪武六年

知縣楊思義徙置正統元年知縣王恭弘治十年

知縣李端十三年知縣杜銳正德三年知縣孫輔

相繼修葺六年流賊燒燬七年知縣蔡維藩重建

嘉靖十五年知縣李宋修崇禎十二年正堂燬十

三年知縣宣廷武重修十五年知縣王祚修三堂

國朝康熙十五年知縣李居一重加修葺雍正十年知

縣李炳生重修大堂乾隆元年知縣鄧岫改建大

門大門三間正堂五間名牧愛堂贊化廳三

堂東使戶禮房五間堂西兵刑工房五

間皂隸房二間戒石亭儀門三間角門

二座大門譙樓三間宣化坊一座中明亭

旌善亭寅賓館三間縣宅待旦堂五間

廂房六間退思堂三間鳴琴堂三間書

房六間土地祠庫樓監在大門內西馬房十間

典史署 在縣治東

陰陽學 醫學 在縣治左右

察院 在縣南

倉廩

按河間府志載慶雲舊有預備倉在儀門東廣儲

倉在儀門西今俱廢 養濟院 在大僕寺街南僅存基址現在捐蓋

按河間府志稱舊養濟院明成化十三年知縣唐瓚重修創建年月無考又查慶雲縣把總駐汎地未據有署

以上各學官公署附學校

附坊表

泮宮儒林二坊 在東門裡儒學左右萬十四年重修改敷教興賢歷經重修改德

配天地道冠古今

翊隆皇運興起斯文二坊 在文廟照壁內東西大津道副使薛柱斗建

海天要鎮坊 在總鎮衙前 貞意肅度坊 在天津道左右康熙十二年天津道副使薛柱斗建

年天津道副使薛柱斗捐俸建

綏民防海坊 在清軍廳左

詰戎儻運坊 在清軍廳右 國計邊儲二坊 在戶部分司左右

澄清海甸屏翰畿封二坊 在舊道署今廢

黃甲聯芳坊 在北門裡為進士張愚立今廢

登瀛坊 為翰林院劉玉立今廢 羣英坊 為舉人王鶴葉廣趙鍾會葛鳳儀孫

昂王登輔立今廢

一鶚橫秋坊 為舉人蔣儀立今廢

昊天聖主坊 在東門外玉皇廟前 護國保民坊 一在東門外天妃宮前一

在城外西龍王廟前

龍飛渡蹕坊 在北門外正馬頭河沿上

星拱辰居石坊 在太虛觀前 孝行坊 在鼓樓東街南費家衙街口為孝子

倪維城立以上天津縣

按各州縣請旌諸節婦建有坊表不復備載其前

明所建者存之

重光坊 為舉人張旭張雯立

攀桂坊 為舉人尹恭立

獅霄坊 進士坊以上二坊為進士鄧煥立

進士坊 為進士李佐立 文武聯芳坊 為舉人蕭英立

世顯坊 為舉人蕭經立 鳳翔坊 為舉人孫裕立

雙桂坊 為舉人蕭麟立 鍾秀坊 為舉人馬思聰立

起鳳坊 騰蛟坊 以上二坊為進士馬政立

進士坊 為進士蕭英立 天府分香坊 為舉人朱良立

鄉進士坊 賜進士坊 以上二坊為進士袁經立

月殿秋香坊 禹門春浪坊 以上二坊為進士馬永壽立

鴻臚坊 為序班劉鎮立 都城金吾坊 為兵馬指揮孫姜立

孝子坊 為孝子張俸立以上青縣

按靜海縣志不載坊表未獲備查謹仍其闕

滄海文明坊 在文廟前 萬古文明坊 在文昌臺上

司祿宏仁坊 在文昌閣前

通明宮坊 在昊天觀 仁威保障坊 在城隍廟

瀛東顯蹟坊 在藥王廟前 精忠赫奕坊 在關帝廟前

行臺坊 在大察院前今廢 肅寮坊 在大察院東今廢

貞度坊 在大察院西今廢 經國坊 阜民坊 二坊在舊運司

署東 棠蔭蘆臺坊 在廠門前運使張雲翼遺

愛祠 外

桂府傳芳坊 為進士 祝祥立

折桂坊 為戶部尚書馬昂立

立叙

世科坊 為舉人 武宣立

丙辰進士坊 為兵部職方司主事張時

登科坊 為舉人 汪澤立

青雲世美坊 為舉人 馬忠立

世科坊 為舉人 郭備立

御史坊 為舉人 張海立

宮保坊 為太子太保兵部尚書張瓚立

蜚英坊 為舉人 尚俊立

繡衣坊 為進士 張璠立

奪錦坊 為舉人 潘浩立

納言坊 為右通政 李觀光立

冬官大夫坊 為進士 趙宗軌立

世科坊 為大理寺評事馮惠立

繡衣坊 為進士 王珵立

人

鵬程連步坊 為進士 劉燾立

牙史正卿坊 為太子少保左都御史 兼兵部左侍郎劉燾立

都御史坊 為進士 王紳立

總督坊 為右都御史兼兵部左侍郎劉燾立

二世司徒坊 為戶部左侍郎兼都察院

節制四鎮坊 為陝西總督 軍務兵部尚

兩陟本兵坊 為太子太保 南北兵部尚

中臺秉憲坊 三藩風紀坊 以上二坊為御

天官大夫坊 為吏部文選司員 外郎王顯仁立

地官大夫坊 為戶部郎中 呂子桂立

豸繡侍御坊 為進士 蔡朴立

雲津連躍坊 為戊戌進士 徐應元立

公署

兄弟黃甲坊為翰林院檢討劉生中寶慶府知府劉生和立

鳳誥馳封坊為贈山東道御史蔡汶立

天恩寵褒坊為贈文林郎李肯構封太宜人程氏立

龍章世顯坊為贈左都御史兼兵部左侍郎劉清立

鳳誥重封坊為贈左都御史兼兵部左侍郎劉氣立

天勅重褒坊為封文林郎徐邦瑞立

恩榮坊為封文林郎王國寧立 登詔殊恩坊為贈右都御史兵部右侍郎

郎戴宣立 三錫總憲坊為贈都察院右副都御史

戴臣立 再命恩綸坊為封廣東道御史王勉學

立 三世恩榮坊為封戶部主事呂大韶戶

部郎中呂子桂舉人呂律立 恩綸初命坊為封文林郎王用中立

玉堂褒命坊為封翰林院檢討劉蒙正立

冰節榮封坊為贈工部員外郎王三守邳封太宜人史氏立

瀛南古邑坊在縣治前 龍門坊在泮池前二坊知縣李正華建

儒林坊在學宮巷口 青雲聚彥坊在儒林南載歷科鄉舉

黃甲羣英坊在儒學北為歷科進士立

世科坊為徐安徐廷錫立 聯芳坊為張璿張璣立

春鯨躍浪坊 秋桂傳香坊 豸繡坊以上三坊為張淮建

進士坊 大中丞 大方伯以上三坊為湯賓立

雲端春曉 月際秋昕以上二坊為張謐以上南皮縣

經元坊

在東街為周讓立

亞卿坊

在新街為高岱立

光祿坊

在西街為增繼志立

恩榮坊

在西街為傅愷立

貞節坊

在西關為崔祥妻劉氏立

貞節坊

在韓家莊為韓得禮妻高氏立

孝子坊

在宋村為劉才盛立

毓秀坊

在西街為霍達立

冢宰坊

在西街為王翔立

進士坊

在西街為曾會立

武賢坊

在縣治前為王珣立

進士坊

在舊街為王顯道立以上鹽山縣

宣化坊

在縣治前萬曆二年知縣薛居方立

儒林坊

在鳴珂里知縣王恭立

經魁坊

為舉人甄實立

接武坊

為舉人田鐸立

飛黃坊

為舉人田鶴立

登科坊

為景泰癸酉行舉人田偉立

三桂坊

為田鐸田鶴田偉父子孫立

五馬坊

為知州胡璉立

方伯坊

為布政使胡欽立

攀桂坊

為舉人靳拯立

附鳳坊

為胡璉父子舉人立

登雲坊

為舉人劉享立

奪錦坊

為舉人劉玘立

張氏貞節坊

為劉泰妻立

趙氏貞節坊

為生員田襲妻立

翟氏貞節坊

為生員杜時雍妻立

陳氏貞節坊

為陳宗禮女立

張氏貞節坊

為生員胡敏學妻立

姜氏貞節坊

為生員馬斯臧妻立

上慶雲縣

